

## መጅልሰ አቅሊም ምግብ ፍገራት እጅጉም ያሳደገው እግል ሽዑብ ሰፊሕ

መጅልሰ አቅሊም ምግብ፡ ፍገራት ናይሉ እት የም 30 ጃንዋሪ 2019 ለወደዩ 18ይ ርቱብ እጅጉም፡ እት የም 10 ማርች እግል ሽዑብ ሸርሐዩ።

እት ምዴርያት አሰመረ፡ በሪክ ወሰረጃቀ እግል ሽዑብ እት ወደዉ እጅጉም፡ አንፋር መጅልሰ - እብ ሰበትለ ምሰለ ከሰሰን ጀሃት ለትሀይገ ዲቡ እቅትሳድያይ፡ እጅጉም ወሰያሰያይ ጋራት ተውዴሕ ሐቆለ ሀበው፡ ረአይ ሽዑብ ትከበተው ወሰኣት እቱ በልሰው።

ለምሽተርነት፡ መጅልሰ

መሓግዝ ገቢል እንዴ አተንሰ እግል ባልሐቱ እት ወደዩ ለሀለ ጅህድ እት ለሐምዶ፡ መሓግዝ ማይ ሲቶ ወመዋሰላት ሻፍግ ሐል እግል ልትባሰር እሉ፡ ቀሎት እስትህላክ ከሀረበት ወመትከማረ ዲብ መናበረት ጨቅዋ ተሐመጽእ ሰበት ሀሌት፡ እህትማም እግል ልትሀየቡ ሽዑብ ምሰለ ከሰሰም ጀሃት ሐብሬ ለልትባደሎ እቡ ኡብካት እግል ልትሀየብ ለልብል ውብዕድ አረእ አቅረበው።

እጅጉም መጅልሰ አቅሊም ምግብ ምሰል ሽዑብ ዲብለ መጽኣነ ሀለየ የም 17 ወ24 ማርች መግል ልተላሌ ክምሰል ቱ እሙር ሀለ።



## ለትዘወረት ዕምላት ዶላር ጸብጣም ለጸንሐው አቶብዩን ትጸበጠው

ምን አቶብዩ 4,400 ለትዘወረ ዶላር አሜሪካ እንዴ ጸብጠው እት የም 5 ማርች እብ ገቢሮ ሐመረ ኤረትርዩ ለአተው ወዲብ አሰዋግ ሽዑብ እግል

ልቃሾ ለጀረበው ሰለሰ እቶብዩን እብ መራቀብት ፖሊስ አቃሊም ጋሽብርክ ወምግብ ትጸበጠው። እሎም ተሰፋይ ሐጎሴ ሰሰን

ሀይሌ ወጌሹ ጸጋይ ለልትብሀሎ ሽኩያም፡ መስከረም እት ክልል ትግራይ ሽፌ-እንዳሰላሌ እት ገብእ፡ እት አሰዋግ አሰመረ፡ 3000 ዝወር ዶላር አምሪክ

እብ ሐሳብ 55 አልፍ ነቅፈ እንዴ አሰረፈው፡ ለተርፈ 1400 ለትዘወረ ዶላር እት እዴሆም እት እንቱ ክምሰል ትጸበጠው ዕላቃት ዓም ፖሊስ ኤረትርዩ እግል ኤሪና ዲብ ለአከወ ሐብሬ አትአመረው።

ትካረው፡ ኤረትርዩ ክም አተው ተአመረ።

ፖሊስ ኤረትርዩ፡ እትሊ ወቅት እሊ፡ ለትዘወረት ናይ ሐሰት ሰላዲ እብ ዶል-ዶሎ ትትሻብብ ሰበት ሀሌት፡ ሽዑብ እግል ለአንተብህ ወእግለ ትሸከከዩም ሀይ፡ ዲብለ እት ባካቱ ለሀለ መርከዝ ፖሊስ እግል ለሐብር አትፋቀድ።

ህቶም ምን ትግራይ፡ AA-66623 ለቃርገተ መኪነት እንዴ



## ሕኩመት ኤረትርዩ አሰክ ሕኩመት አቶብዩ ልእከት ሐዘን ነድአት

ሕኩመት ኤረትርዩ፡ እብ ሰብብ ብቆት ወዲቅ ናይሉ ምን አዲስ አበባ አሰክ ናይሮቢ ትሳፍት ለዐለት ቦዩንግ 737 ለጅንሰ ጥያረት ክጡጥ ጀው አቶብዩ ወሞት ናይ ኩሎም እብ ሳፍሮ ለዐለው፡ አሰክ ሕኩመት ፈደራልያይት ዲሙቅራጥያይት ጀምሁርያት አቶብዩ ወግዳላትለ አረይ ገአው፡ ልእከት ሐዘን ነድአት።



# እድንያይት አምዕል አንሳት እብ ነያረት ተዐዩደት

እድንያይት አምዕል አንሳት -8 ማርች፡ “ሰላም ፍገራት ሰባትን ወወማር ፍሬ ለሀብትን” ሐንቲላ ትብል ስቅራት እት ኩለ ወጠን እብ ነያረት ተዐዩደት።


እት አስመረ ዲብ ቃዕት ኤክስፖ እት ገብአት መናሰበት፡ ርኢሰት መሕበር አንሳት ኤረትርዮ አሰይደ ተኸአ ተሰፋሚነኤል፡ ሓክም አቅሊም ምግብ ሚጀር ጀነራል ረመዳን ዑስማን አውልያይ፡ ውዝረእ ውብዕዳም ሰብ ሰልጠት ሕክመት፡ ክምሰልሁመ ዲፕሎማሲያን ወወካይል እድንያይ መዝማዕት ሓድራም ዐለው።

ርኢሰት መሕበር ወጠን አዋልድ አንሳት ኤረትርዮ ፈሬዕ አቅሊም ምግብ አሰይደ አለም በላይ፡ ናይ ዮም ዓመት 8 ማርች ሓለት ኢሰላም ወሐርብ እንዴ ትገልጸኦት፡ እት ሰእየት ለበ መርሐለት ሰላም ንትዐዴ እቲ ለህሌነ ወቅት ትትዐዩድ ሀለዮተ፡ ፍንቲት ወድዮ። እበ ብዕድ እንክር ህዩ ዛይደት መሰኡልየት ብነእ ወጠን ክምሰል እንረፈዕ ወእብ ሕበር ክምሰል እንክድም ወዶር አዋልድ አንሳት ዝያደት እግል ልትወቀል አትፋቀደት።

ሓክም አቅሊም ምግብ ሚጀር ጀነራል ረመዳን ዑስማን አውልያይ አዋልድ አንሳት እት ሐልፈ መራሕል እብ ፍዕል ለሐቀቀያህ መሻረከት ወመትሰባል ዲብ እሊ ኣትያም እት ለህሌነ መርሐለት ሐዳስመ እበ ትወቀለት ክምሰል ደግማህ ሰእየቱ ሸርሐ።

መመቅረሓይት መካትብ መዝመት መጅልስ ቅራን እት ኤረትርዮ ሚስ ሱዳን ኒጎንጊ ህዩ፡ ንዳል አዋልድ አንሳት ኤረትርዮ እግል መሳዋት ለሐቀቀያህ ዐውቲታት እብ መሰል ሰኔት ለልትወሰፍ ክም ቱ አክደት።

እብ ደረጃት አቅሊም ዐንሰበ ዲብ ሐልሐል እት ገብአት ዓደት ህዩ፡ መሰኡለትል ፈሬዕ መሕበር እትለ አቅሊም አሰይደ አምነ ሐሰን፡



## ኤረትርዮን እት ካርጅ ለትፈናተ ወራታት ሰርግሎ

ኤረትርዮን ሰካን ሱዳን፡ አሜሪካ፡ ብሪጣንያ ወአውስትራልያ ወራታት ዲፕሎማሲያን ገበል ሰርገለው።

ኤረትርዮን ሰካን ከርቱም ወድዋራት ዲብ ዮም 1 ማርች ፈሀምም እት ሓድረት ሓለት ወጠን ወመንጠቀት ለወቅል ሰሚናር ገብአ እሎም።

መትምማይ ቅደይ ሰፋረት ኤረትርዮ እት ሱዳን አሰይደ እብራሂም እድሪስ እት መንጠቀት፡ እግል ስያሴይ፡ መሕበራይ ወእቅትሳድያይ ዐቦት ለዋሌ ተቅዩራት ሰኔ ልትረኤ ክምሰል ሀሉ፡ ዲብ እሊ ወቅት እሊ ሸቦብ ኤረትርዮ ወሕኩመቱ ዶር ዐበ ክምሰል ቦም አክደ።

አንፋር ፈርዕ መሕበር አንሳት ኤረትርዮ እት ዋሺንግተን ዲሲ ወኣሃዮ አሜሪካ፡ እት ዮም 2 ማርች ዝክረት እድንያይት አምዕል አንሳት ኤረትርዮ ዐዩደው።

ዲበ መናሰበት፡ ልእከት መሕበር ወጠን አዋልድ አንሳት ኤረትርዮ ትትቀረእ እት ህሌት፡ መሳኒት መሓበርመ ናይ ተእዩድ ልእከታት አቅረበው።

ዲብ ብሪጣንያ ሕድ እብላ ሸብህ፡ እት 11 መዳይን ለትጀመዐዩ ኤረትርዮት አንሳት እት ሻረከዩ እት ዝክረት 8 ማርች ዲብ ዮም 3 ማርች እት መዳይን ለንደን እብ ነያረት ዐዩደዩ።

ሰፈር ኤረትዮ እት ብሪጣንያ

አሰይደ ወቅብለት አዩርላንድ አሰይደ እስቲፋኖስ ሀብቲማርያም እግል ዛይደት መሻረከት ኤረትርዮት አንሳይት እት ኩሉ መራሕል ንዳል ውብነእ ወጠን ዘክረ።

እት መዳይን ሚልበርን ወፔርዝ አውስትራልያ ለትብሮ መዋጥኒን እብ መናሰበት እድንያይት አምዕል አዋልድ አንሳት እትለ ወደዎ እሕትፋል ህዩ፡ ዓም ቁንሱል ኤረትርዮ እትለ ደውለት አሰይደ መሓሪ ተኸሰቲ፡ እትለ አዜ ኣትያመ ለህሌነ መርሐለት ሰእየብ እግል ብጽሐት፡ መትሰባል ወካህላት ለተአምርታሁ ዶር አዋልድ አንሳት ዋዴሕ ክምሰል ቱ አፍህመ።

## እድንያይት

ክል አርቡዕ ለትጠ'በዕ ጀሪደት

መዳልየት፡-

- መሐመድ እድሪስ
- ከልሹም መሐመድ
- ኣድም ሳልሕ
- ሳልሕ እድሪስ

ለይኣውት ወኣርተየት

\* ዘህረ ዐሊ

\* ፋጥነ አድም

ተለፎን፡ 121797

ፋክስ፡ 127749፡ ዕ.ሰ.ቡ፡ 247

ተውዝዕ ጀሪደት፡

ተለፎን፡ 200454/ 07121322

አትአመሮት፡

ተለፎን፡ 125013፡ ዕ.ሰ.ቡ፡ 1284





# አልአሚን፡ ሰር-ዘመን እት ፈን

ከትባይ፡ መስመድ፡ ፀብደለ (አብ-ኩራክ)  
መተርጎማይ፡ ዐብደለ መ/ዐሊ (መዐልም)

**5ኛ ክፈል**

እግል ቅሩብ ወቅት ልትዳወር ሐቀለ ጸንሐ እግል ልትሰክል አሰክ ሙዲርለ ሽሪከት ጌሰ ወእብ ሸቅል ትሰክለዩ። ህቱመ ህግዩ ወድራሰት ጥልዎን ምን ለኣምር ትሰክለዩ። ወፍዕለን ኣምር ቤለዩ። ሐቀ እለ አሰክ መክተቡ እንዴ ነሰክዩ። እምተኣን ወደ እግሉ። አልአሚን እት እምተኣንመ ነጅሐ። ሐቀ እት ህግዩ ጥልዎን ነጅሐ። “ሰዋገት ተኣምር መኢፋልከ?” እት ልብል ለሙዲርለ ሽሪከት ኣዜመ ሰኣል ወጀህ እቲ። አልአሚን፡ “አይወ” ቤለ። እለ ላኪን እብ ኢትሕመቅ እንዲኮን ሐቲ ኣምር ሰዋገት ይዐለ እግሉ። ሐቀ እለ ለሙዲር አሰክ ቅሰም ማሽኔሪ ሓለፊዩ ወእተ ገራጅ ዎርት እብ እሙ ኤረትሪ መወለድ ጥልዎን ጸንሐዩ። ወእግለ ናዩ ወረቀት እንዴ ገንሐ። “ማህየት ሰኔት ዋድያም እግልክ ህለው” ቤለዩ። በህለት እት ኣምዕል 7 ብር። እለ ወቅት እለ አልአሚን እበ ናዩ ማህየት ብሉጥ እት እንቲ ሰዋገት እንዴ አልአምር ኣምር ሰበት ቤለዮም፡ ሚ ገብእ ልብሉኒ ቤለ ከምሰል ረሐ እት ጎማት ኣተ። ወሐር ለምሰሉ ልትሃጀክ ዐለ መወለድ ጥልዎን “ኣነ እት ሰዋገት ብዙሕ ቅድረት ኣለብዬ ወኣዜ ሚ ገብእ ትሰዳኒ ቤለዩ። ህቱመ ክልኢቶም ውላድ ኣሰመረ ሰበት ገብአው፡ “እለ እቼ እዘም ምኑ፡ ናሼ እግል ዐልመካቲ” ቤለዩ ወእግል ኢልሕመቅ ኣትኣጠረዩ።

እት ክልኢ ዮም አልአሚን ኣክል ኣድሕድ ሰዋገት ቀድረ ወመኪነቱ እንዴ ለኣትገናቤ እግለ ሽሪከት ተሐት ወለዐል ትሳሰዐ ዲበ ወእለ ሐዘው ልኡክ ለኣትሳልዋ እግሉም። ሰዋግ ሰበት ገብእ ህዩ አሰክ ናዘሬት ለኣትቀባብል ወአሰክ ኣሰመረ ለሳፍሮ ኣንፋር ረከብ ወእብ መናበረት ዐዱ ታርህ ሰበት ዐለ ለናይ ሰልፍ ማህየቱ እብ ሽፋግ ለኣከዩ እቶም። ሐቀ ሰነት ወሰር እትለ ሽሪከት እለ ሽቀ፡ ለሽሪከት ሽቅለ እንዴ ኣትመመት ለእተ ሽቁ ዐለው ሽቃለ ሳርሐቶም። አልአሚን ብእሰ ሕቱ አልኣጅ ኣብብዘር በናይ ሰበት ነብረ፡ ከምሰል ሰዋግ ኣዜመ እት ሽሪከት ሐዳሰ ኣተዩ። ኣፍለ ምጽኢቶም ህዩ ሐቲ ፍርቀት ፈንዩት ምን ኣሰመረ ማጽኣት ዐለት። አልአሚን እበ ዐለት እቱ ህዋየት ፈን ተሐት ወለዐል ትረገሰ ምሰሎም። ወሐር ህዩ፡ ምሰል ኣቶብርሃን ሰጊድ ትዋጀህ ወሕላይ ከምሰል ፈቱ ወሐልየት ብዕዳም እግል ልድገም ቅድረት ከምሰልቡ ሽርሐ እግሉ ወምንለ ሐልየት ዐጃላይ ኣሰመዐዩ። ሐልያይ ኣቶብርሃን ሰጊድመ ፈዳብ ሐልያይቱ ለዐለ ወእግል ነኣይሽ ሐልየት ለኣትናይት ወሰዴ ሰበት ዐለ፡ “ኣብሽርከ አልአሚን፡

እንተ ቅድረት ወመውህበት ሰበት ህሌት እግልክ እምበል መትሐላል እግል ትክደምቱ” ቤለዩ ወሰእየት ህበዩ።

እተ ወክድ ለህይ ለእግል ቃዕት ኣፍሪቀ ትሸቂ ለዐለት ሽሪከት ጥልዎን ሽቅለ ኣተላሌት ወኣልአሚን ኣዜመ ምሰል ብእሰ ሕቱምን ሽቃላለ ሽሪከት ገብአው። ላመ እት ጀፈርለ ቃዕት ልትሸቂ ለዐለ ሆቴል፡ እግል መትፋግዲ ሩኣሰ ኣፍሪቀ እንዴ ትበህለ እብ ፍንቱይ ሸክል ወግርመት ልትሸቂ ዐለ። ለፍንድቅ እብ ጃርዲን ወፈርያት ክሉብቱ ለዐለ። ሐድ ማይ ሕማሴ ውብዕድ እግል እለ ፍንዱቅ ለኣገርም ለትበህለ ኣሸዩ። ከምሰልሁመ ለገረመዩ ኣዋልድ እንዴ ተሐረዩ እት ፍንድቅ ሸቅዩ ዐለዩ። አልአሚን እትለ ሽሪከት እለ ከምሰል እዳሪ ወሰዋግ ሰሰ ወሬሕ ሐቀለ ሸቀ እግል እቅባለት እሰክ ኤረትርዩ ግድም ልቡ ኣተቅሰ ወትሰፋለለ። ወእብ ካልእ ጀህትመ ሐቱ ወለት ኣቶብዩ ወለት መሰኡል ዐቢ ህተ ፈቱቱ ወህቱመ ፈተዩ። አልአሚን እብ ፍቲ እለ ወለት እት ምሽክለት እግል ኢልትከሬ ሰኒ ፈርህ ወእብሊ ኣሰክ ዐዱ እግል ለኣቅብል ነው።


ኣዜመ አልአሚን ቀደም እቅባለቱ ምን ኣዲሰ-ኣበቤ፡ ፍርቀት ፈን ምን ኣሰመረ መጽኣት። ወለ በዐል ፍንድቅ ለእቱ ክሩያም ዐለው፡ አልአሚን ሐቀ ረከብካህ ለሐዘኩ ዐለው በሉ ቤለው። ህቱመ እሰክ አልአሚን ልኡኩ ኣብደሐ። ወኣልአሚን ናዮም እሕትፋል ሐድረ ወሕለየት ኣቶብርሃን ሰጊድ ዐደዩ ዐዲ-ጀጋኑ ሰኒ ኣብኪቱ ወሰፋለለቱ። እትለ ኣምዕል እለ እግል ሰልፍ ዶል አልአሚን መክረፎን እንዴ ጸብጠ እት መሰረሕ ዐርገ ወሕላየት ትግራይት ምን ሕላይ ወድ ኣሚር ወዐጃላይ ሐለ። ወኣዳም እብ ሕላዩ ትሩድ ረድ ፍዕል ህበዩ፡ እብ ጣቅዲት ወበሽርት። ከኣልአሚን ሽቅለ እንዴ ሐድገ ምሰል ፍርቀት እሰክ ህረር ወናዘሬት ጌሰ። ምን እለ ወክድ እለ ህዩ ለናዩ መውህበት ወፍቲሁ እግል ፈን ኣትኣከደ። ለፍርቀት ጀውላተ ሐቀለ ኣትመመት አልአሚን ደረቡ እንዴ ከምተተ እት ግርበት ሰነት 1959 ኣሰክ ዐዱ ኣሰመረ ኣቅበለ።

አልአሚን ዐብዱሊጢፍ መናበረቱ ወመናበረት ዓይለቱ እግል ለኣሰኔ እት ዐለዮ ምድር ኣቶብዩ ሐቀለ ጸንሐ፡ ምድሩ ወዐዱ ሰበት ትሰፋለለ ኣሰክ መሰከቡ ኣቅበለ። እግል ሽዑር ሰፈላሉ ለትሸሬሕ ሕላየቱ “ሰፈላል” ለትብል ትረኡቱ። “ትሰፋለልኮ ወሰፈላል ቀትሌኒ፡ ምን ናይ በዲር ናይ ኣዜ ኣክኒ” እት ልብል ወእት ለሐሌ ህዩ ኣሰክ ዐዱ ትወክለ።

አልአሚን ዐዱ ከምሰል ኣቅበለ

እት ፍርቀት ፈንዩት መሕበር ትያትር ኣሰመረ (ማትኦ) ኣተ። ሰበቡ ህዩ ምሰል ከረ ኣቶብርሃን ሰጊድ እት ኣዲሰ-ኣበበ እንዴ ትረከበ እግል ልሕሌ በክት ሰበት ህበው፡ እት ደሚሩ ሐብዑ ለዐለ ሽዑር ፈን እግሉ ቀቀሰ እቱ ወእት ሐዲሰ ሕላይ ወኣሰጎጋን ገብአ። አልአሚን ምን እለ ወክድ እለ ሕኔት ዲብ ሸቅል ሽርካት፡ እት ዐለም ፈን እብ ኻያል ልግበእ ወፍዕል ሐንበሰ ወኣርወሐቱ መትመላኩ ኣቤት። ኣሰክ ናይ ደንጎበ ምን እለ ዐለምን ልትሳረሕ ህዩ ‘ኣክለ እግል ሕደጉ እቤ መትመላክዩ ኣቤት ኣርወሐቱ’ ልብል ዐለ መርሐም ሐልያይ አልአሚን ዐብዱሊጢፍ።

ፍርቀት ፈንዩት (ማትኦ) እት ሰነት 1961 እብ ረሰሚ ተኣሰሰት ወማትኦ ትሰሚት። 18 ነፈር ዐለው ኣንፋረ ወሙኣሰሰት።



ኣቶብርሃን ሰጊድ ህዩ እግል አልአሚን ጠለብክ እብ ክቱብ ቀድሙ ቤለዩ። ላኪን አልአሚን እብ ሽፋግ በሊሰ እግል ልርከብ ኢቀድረ። ሐቀ ወቅት ህዩ ዎርት ዕዱ ናይ እለ ፍርቀት ገብአ። እለ ናዩ ጠለብ ህዩ እብ ገበይ ምደርሱ ለዐለ እሰታዝ ነጋሽ ኣድም ቱ ከብቱ ለረክበ።

እለ ወቅት እለ እሰታዝ ነጋሽ ኣድም እግል መሰኡል ናይለ ፍርቀት ለዐለ ኣሰረሰ ተሰመ ንዩት አልአሚን ኣሰኣለዩ ወሐር ህዩ ንዛም እት ፍርቀት (ማትኦ) ትግራይት እግል ተህሌ ሰበትበ አልአሚን ዕዱ እት ፍርቀት (ማትኦ) ገብእ ቤለዩ ወህቱመ ለናዩ ጠለብ ትከበተ። እብሊ ህዩ አልአሚን ጠለቡ ከብቱ ጀላብ እግል ልርከብ ወኣዜ እብ ሽፋግ ሕላይ ለኣሰመዐነ ትበህለ ወኣልአሚመ እብ ሽፋግ ምን ሐልየት ወድ ኣሚር ወዐጃላይ ኣሰመዐዮም። ላመ መኣይደተ ፍርቀት ሐልየት አልአሚን እግል ልትደገም እሎም ሐዘው ወኣድገመውቱ ወናይረት ከብቱ ረክበ። ወእብሊ አልአሚን ዎርት ምን ፍርቀት (ማትኦ) ገብእ ወለ ናዩ መርከዝ እት ጀፈር ጃልየት ዐለ። ወእተ ኣካን ዎርት ክርሲ ሌጠ ዐለ እሎም። ወለ ክርሲ

መደርሰ ወመሰኡል ናይለ ፍርቀት ላቱ መምህር ኣሰረሰ ተሰመ ልትገሌ እቱ ዐለ። ለብዕዳም እት ከነባት ልትገሰው ዐለው። ኣላት ሙሲቀት መ ይዐለ እግሉም። እግለ አልአሚን ሐለዩ ሕላየት ዐጃላይ እት ትግርኛ ተርጅመ ቤለው። ወህቱ መ ተርጅመዩ እግሉም። ወሐቀ እለ አልአሚን ናሱ ሕላይ እግል ለኣፍግር ወእግል ልልሐን ኣንበተ።

ከግደም አልአሚን ኣሌፍ እት ዐለም ፈን ሰበት ቤሉ ናዩ ፈን እግል ልፈትሽ ኣንበተ ወእት መኣንበቲ፡ ውላድ ትግሬ እት ወቅት ሕጼ ካትም ልትህዩሶ ሰበት ይዐለው እለ መፍሁም እለ እብ ገበይ ፈን እግል ለኣምጽኡ ሐሰበ። “ካትም ሕጼ ትዛቤኮ” ለትብል ሕላየት እግለ ኣፍገረ። ወሐለዩ በርዱ። እላመ እብ ትግርኛ ወኣምሐርኛ ተርጅመ ትበህለ ውተርጅመዩ። ሐቀ እላመ ሐልያይ አልአሚን “እላመ ተሐልፈኒቱ ገብእ” ለትብል ሕላየት ከትብ ወሐለ። አልአሚን እለ ሕላየት እለ ሐቀ ሐለ እሰታዝ ኣሕመድ ሰሩር እት እዘን አልአሚን እት ለሐሽካሽክ ግድም ረቢ ሰዴነ ህለ እት ረኣሰ ኣባይነ ምሰዳር ናሰኣም ህሌነ ቤለዩ። እተ ወክድ ለህይ ህይኣት መራቀበት ሰኒ ትርድት ዐለት።

እተ ወክድ ለህይ ምን ፍቱያም ሐልየት ማትኦ ዎር ሐልያይ ዐሰማን ዐብዱርሐምቱ ዐለ። ሕላዩ ናይ ሻም ሰፈላል ወሰርቤብ ሰበት ዐላቱ። ሐቀ ዐሰማን ህዩ ኣቶብርሃን ሰጊድ ወትብሪህ ተሰፋሁነይ ወኣልአሚን ዐለው። ላመ ሐፍለት ትገብእ እቱ መናሰባት እት ዒድ ህይሌሰላሴ ወዒድ ደውለት ኣቶብዩ ቱ ለዐለ። ለህዳይ ትግርኛ ገብእ ምንገብእ፡ ኣቶብርሃን ለሐሌ ወኣሰሩ አልአሚን እብ ትግሬ። ወትግሬ ገብእ ምንገብእ አልአሚን ወኣሰሩ ብዕድ እብ ትግርኛ። እምበል ፍርቀት (ማትኦ) ብዕደት ፍርቀት ፖሊሰ ዐለት ወከረ ሐልያይ ዩንሰ እብራሂም ወመሐመድብርሃን ዓጠ ወነጋሽ ተኪኤ ወዐሊ መሐመድ (ዩዐሲና) ዐለው እተ። ለበዝሐው ሐልየት ናይለ ፍርቀት ፖሊሰ ህዩ እት ኣካን የታይም ለዐበው ወለትረበው ቶም። እተ መደት ለህ መሰኡል ፖሊሰ ተድለ ዐቅቢት ዐለ።

ፍርቀት ፖሊሰ እብ ትግርኛ ሌጣተ ተሐሌ ለዐለት ወሐቱ ዶል አልአሚን እግል ዐሊ (ዩዐሲን) እብ ሳሆ ኢትሐሌ ቤለዩ ወህቱመ ትከበተዩ ወዲቡ ዩዐሲን ለትብል ሕላየት ሐለ። ዐሊ ዩዐሲን ከምሰል ሐላቱ ለሕላየት ሰሜቱ እንዴ በደለት ክናዩቱ ለገብኣት። ለቴለል ክእነ እት እንቱ ሐቱ ኣምዕል ፍርቀት ፖሊሰ እግል ፍርቀት (ማትኦ) እት መርከዝ በለድየት ኣሰመረ ዐዝመተ።

ወሐር ለጀምሁር መትዐጃቡ ወፍቲሁ እግል ፍርቀት (ማትኦ) ሸርሐ። ወህተ እንዴ ኢተኣተምም ህቶም እግል ልብጠሮ ወፍርቀት ፖሊሰ እግል ተኣንብት ኣዋምር ተህዩበዮም። ፍርቀት ፖሊሰ ህዩ ኣላት ዋወር ዐለ እግሉ። ላኪን ገቢል ብዙሕ ፈትዮም ይዐለ። ከፍርቀት ፖሊሰ ሐቀ ኣንበተት ላመ እብ ዐሸም ፍርቀት ማትኦ ማጽኦ ለዐለ ሽዑብ ክሉ ኣድሕድ እንዴ ረፍዐ እግል ልፍገር ኣንበተ። እለ ወቅት እለ ሙዲር መዲኑት ለዐለ ሐረጎት ኣባይ ሚ ቱ ለሐሰለ? እት ልብል ሰኣል ወጀህ ወሐር ኣሰኣለው። ህቱ ህዩ ፍርቀት ማትኦ እግል ተኣተላሌ ኣማውር ሓለፈ።

ሐቱ ዶል መልከት-ጀማል ኣቶብዩ ትትሐሬ ሰበት ዐለት። ሽሪከት እትሳላት ኣቶብዩ እግል ሐቱ ፍርቀት ምን ኣቶብዩ ጠልበት ወመሰኡል ዋላሁን ገሰሴ ዐለ። እለ ፍርቀት እለ ዋወር ኣላት ሙሲቀት ለትመልክ ፈርቀት ተ ለዐለት። ላኪን ሽዑብ ኤረትርዩ ክልዶል ምሰል ሕላዩ ወዓደቱ ወለመዱ ሰበት በዋር፡ ለሽዑብ ክሉ ምሰል ፍርቀት ማትኦ በዋረ ወእግለ ዐቢ በክት ራክባም ለዐለው ዐባቡ ሐልየት ብዙሕ ትሽህ እቶም። እለ መጥዋር እለ ህዩ እግል ከረ አልአሚን እብ ዝደድ ሰጀዮም ወኣትናየተዮም።

ከፍርቀት ማትኦ ክልዶል ህንደገት ገቢል ሰበት ትሰምዕ ወእት ኣሰራር ደም እንዴ ዘሬት ሕብዕቱ ወምሰጢሩ ሰበት ደሌ፡ ክልዶል ምንልዐል ክሉ ለኣቀምተ ዐለ ወህታመ እግል ሽዑብ ሽንህቱ ተኣምር ወተኣረዌ ዐለት። ፍርቀት ፖሊሰ ለምሰጢር ሰበት ኣመረቱ ወፍርቀት ማትኦ ለእቡ ትትፈቱ ለህሌት ወጠንያይ ሐልየት ከምሰል ቱ ሰበት ኣመረት፡ ህታመ ወጠንያይ ሐልየት እግል ትሕሌ ትሽንህት። መሰኡል ፖሊሰ ለዐለ ተድለ ዐቅቢት ኣሰክ እሰራኤል እግል ኮርሰ ትገብስ ቴሉቱ ሕኩመት ኣቶብዩ፡ ህቱመ ሐቀ ምን ሽዑብ ወወጠኑ ኣሬመዉ መሲሩ ሞት ኣው እሰሮ ከምሰልቱ ትፈህመዩ። ወእብሊ ህቱ ናሱ ሐልየት ወጠን እግል ልትከበት ኣንበተ። ወእለ እግለ ከትበ ሕላየት እግል ፍርቀት ፖሊሰ ህበዩ። ምናተ ለናዮም ለሐን ሰበት ይዐጅቡ። ኣነ ሐዝዩ ለህሌኮ ለሐን ናይ ፍርቀት ማትኦ ቱ ወእብ ተሕዲድ እብ ትግሬ ሐልያይ አልአሚን ዐብዱሊጢፍ ለሐልዩ ሕላየት ኣቅብሊኒ ሰራይ እት ሲነመት ኣድዮን ለሐለዩ፡ ቤለ ጀነራል ተድላ ዐቅቢት። ወእብሊ እግል ፍርቀት ፖሊሰ ኣማውር ሓለፈ እቶም። ወእብ ሽፋግ እግል ሽምበል ያሲን ኣሰክ ቤት ሐልያይ እሰታዝ አልአሚን ዓብዱሊጢፍ ለኣከዩ።



# አንበጣ ዐለይታይ፡ አባይ ክሉ ሕያይ

ሰነድ፡ አብሐረሽ መሐሪ (ወድቀሽ)



ምን ሰብ መቅደረት ሐርሰ

አንበጣ አደሚ ወንዞች ለልትዐየሽ ምን እክል፡ ሰበር ወዕጪዎ ምን ሐሰት እንዴ አላሐድግ ለልሐባዬ ሐሸራት ሰበት ቱ ስኒ ዳራይ ቱ፡፡ ሰበት እሊ አንበጣ ደል ልትረኤ ሰብ አህላ ወቅሳ፡፡ ዝያድ ሰለሰ ናዕ ምን አንበጣ ምንመ ሀሊ፡ እብ መትዛሙ ላኪን እት ክልኤ ልትከፈል፡፡ ሀቲ ሀቲ፡ እብ ብሕቶት ወእብ ዕሽል ለኑበር ቱ፡፡ ለእብ ብሕቶት ኑበር አንበጣ



ምድረት ብዘሕጥ አለብ፡፡ ለእብ ዕሽል ኑበር ግሪግርየስ ለልትሀል አንበጣ ላኪን ስኒ ኤዝያይ ቱ፡፡

አንበጣ ምን ልትወለድ አላክ መይት ክሉ-ረኤሉ ምን ብላዕ ለኤላኦትካርም ሐሸራት ቱ፡፡ ምን 80-100 ሚልዮን ሐብቲይ ለከምክም ዕሽል እቲ እንዴ ተሐብሰ ሰበት ኑበር፡ ለሰበት ደረር ስኒ ድቁብ ቱ፡፡ እሊ ምእት ሚልዮን ለገብኤ ዕሽል አንበጣ እት ሐቲ ላሊ አላክ 1600 ኩንታል እክል በልዑ ከልትመዬ፡፡ እት ልግዕዝ ደለ ጋምለት ረኤየ ዳበ ሰበት ለሐድር፡ ወዝያድ 10 ሳዕት እምበል ዕርፍ ለኑፍር ሰበት ቱ ለእክ ጅንሰ ሐሸራት ቱ፡፡

ግንራራብ በሐርቀየሕ እብ ትርቡቱ ምን ገብኤ ውሐለት ጀዉ፡ እግል አንበጣ መሳከብ ፋቲ ክም ቱ ልትአመር፡፡ ብዘሐኤ ወምድረት አንበጣ እት ጠላለት ከረም ለኦተንክብ፡ ለገብኤ ብሐላት ክምሰለ ለሐብቱ፡ እት ድዋራት በሐርቀየሕ ለሀለ ድወል ኩሉ ምድረት አንበጣ እግል ተዐርዩ ትቀድር፡፡ ሰበት እሊ ኤረትርየ እት ወክድ ዛህረት አንበጣ ሳክበት ለኢትኦምር ደውለት ተ፡፡ ራድኢት ድወል ብዕድ ለኢትሐዜ



እግሉ ጋር ክምሰል ቱመ ሀቡ እብ ናዕል ለኦርኤት ደውለት ተ፡፡ ክል ሰበት እት ግንራራብ በሐርቀየሕ አንበጣ ለኢልትረኤ ዳበ ከረም ሓልፈት ኢትን፡፡ ለሕሰር ልትሀየቡ ሀቡ ለሰኒ ብዘሕ ወክሰር እት ሐርሰ ውበቅል ለልኦጀሬ አንበጣ ሌግ ቱ፡፡

ውሃረት ሐርሰ ኤረትርየ ሀቡ፡ የም ዓመትመ አንበጣ ደል ትረኤ እት ታብዮቱ ወቀይ ስኒ ክም አግዴት ሽዑብ ወወሳይቅ እዳራቱ ለእክድ፡፡ የም ዓመት ከረም ቅዝር ሰበት ዐለት፡ ዝላም ስሕልመ ክም ትቀዝር ሰእዮብ ሰበት ዐሊ፡ አንበጣ እግል ልትረኤ ሰበት ቀድር እንዴ ትቤ ውሃረት ሐርሰ፡ ምን ጽዮቤከ ምን ክል-ክልኦት ወሬከ ታውራት እት ትወዴ ትራቅቡ ጸንሐት፡፡ ሰበት እሊ፡ የም ዓመት ለትረኤ ጅንጅን አንበጣ ደረር ክቡድ እንዴ አላኦጀሬ እግል ልትጀለፍ ወልትራቀብ ቃድር ሀሊ፡፡

እት ምዴርየት ቅርረ 280 ሚ.ሜትር ለቅያሰ ዝላም ሰበት ዘልመት፡ ውሃረት ሐርሰ እት ምዴርየት እግል ልትረኤ ለቀድር አላኦብሰ አንበጣ እቲ እግል ተኣተርግዝ ሐሬት፡፡ እት እምሆሚ ንቅጠት መራቀብት አንበጣ እንዴ ወዴት ሀቡ፡ እግል ወሬከ እብ ግዳዱ 16 ሳዕት እት ምዕል ዳብ ልትከሳ እት ቡዳሁ ትፈረረው፡፡ እት ምዴርየት ለትረኤ ዓሻል መላዩን አንበጣ ሀቡ እት እክል ወሰዐር ምድረት እንዴ አላኦጀሬ አብደዉ፡፡ ዐረባት ለበጽሐ ምድር እብ ዐረባት እት ልትረሸሸ ወዐረባት ለኤላኦትዩ ሀቡ እብ ነሐር አዳም፡ ለአንበጣ ክም የዐለ ገብኤ፡ ምሰል እሊ ዳቅብ አባይ እንዴ ትጋደለው ለትወደው አንፋር ውሃረት ሐርሰ፡ ለልሐብን ሽጋብ ወጠን ሰርገለው፡፡ ሐረሰቶት ሀቡ ኣኩም እግል ልጃቅፎ ቃድራም ሀለው፡፡

ለምን ብዕድ ድወል ለትገብሰ ሓርያይ ወራር አንበጣም እት ቁት ሐብል ቀጢን ወክጀሊ ሐድረ፡፡ እሊ ዕሽል-ሓርያይ እሊመ እታሁ አብደዉ፡ ሐረሰቶት ሀቡ ለሰልፋይ እትይ እንዴ ኣተው፡ ከለፍ ልታከው ሀለው፡፡ ስኩንሰ ቁት እክል እግል ርሐም ወሰዐር እግል ንዋዮም ምን እሊ ዌራይ አንበጣ ምን ደሐነ እሉም፡ ፈርሐቶም ቅያሰ አለቤ፡፡ እሊ ሀቡ እብ ጅህድ ሕከመት ወገበለ ሌግ ቱ፡፡ ምን ውሃረት ሐርሰ 'ሰውት' ለትትሀል ውሕደት

ታያን አንበጣ ምሰል እዳራት ሽዑብ ወሐረሰቶት እት ትትዓወን አንበጣ ለብኤቱ አምዳር እት ታይን ለሸቅል እግል ልትሰርገል ሰደው፡፡

ምን እምሆሚ 40 ከሉምትር እንክር ግብለት - ቁት ግራት ክም በጽሐነ ሀቡ፡ አንበጣ እብ ኮምራታት መድብ ጋብኤ ንዋይ ክም ምራዱ በሌዕ ወሐረሰቶት ኣኩም ወቅዮ ወለኣቱ፡፡ እሊ ክም ረኤነ ደሚርን ትረይሐ፡፡ በዐል መቅደረት ብቅል ወነፈር ውሕደት ታዩኖት (ሰውት) ናይላ ቁት እት ሐርሰ ዳብ ሸቄ ምሰሉም ረከብናሁ፡፡

እት ምዴርየት አፍባቡት ለሀለ ምድር ሐርሰ ምን ገብኤ ወምድር ሰበር ስኒ ርሐብ ሰበት ቱ እቲ ለገብኤ ሽጋብ አብደዮት አንበጣ ቅያሱ ርሐብ ክም ዐለ እግል ትቀይሙ ትቀድር፡፡ እት ምዴርየት ለሀለው አንፋር ውሃረት ሐርሰ፡ ምን 10-20 ሰበት እት ቁት ለሸቅው ምን ገብኤው፡ አንበጣ ለልትዋለድ እቲ አራዲ ስኒ ለእመሩ፡፡ እት ሐረሰት ራቀብትላ አንበጣም ሻፍጋም ሰበት ዐለው፡ ለኑፍረ ከሰጃ ምኖም አንበጣ ደዐሊ፡ ምን ዋድያው ለዐለው ናይ ዶሉ-ንቃዋ እት ልትገብሰ ሽመይ ክም ሰፈር ከፍክፊዉ ከተዐወተው እቲ፡፡

እት ጋድጥታት አባረረ፡ ጋድጥ-ሐሊብ ወአብድርባቡ ለኣርም ሐረሰቶትመ፡ ምሰል ናይ ሰዩታት ቀዳም ተጃርባም ወሚርሒት አንፋር ውሃረት ሐርሰ፡ ለአንበጣ ሐን መራቀብት እግል ለኣትዉ ሆት ኢክኣ ምኖም፡፡ እት አብድርባቡ ምን ከለፍ እክሉ እት ወቄዕ ለጸንሐነ ሐረሰታይ መሐመድ አብብከር በሺት፡ “የም ዓመት እብ ጅህድ ሕበር፡ እሊ ቱ እንበጣ ሐብትን እግል ልንዘዕ ምን ኢቀድረ፡ ውሃረት ሐርሰ፡ እዳራት ወሽዑብ ለኣርኦዉ መግዓት ሀቡ፡ ዐባይ ተጅርባት ጋብኤት እግልን ሀሊት፡፡ ከወ ሕበር እት ዐውቱ ለአብደሕ” እት ልብል እብ ፈርሐት ሸሬት፡፡

ምዴርየት ሽዑብ ክም ኣቴናመ፡ አወላይ እተይ በድሪ እንዴ ኣተ እት ግፈፋ ወክለፍ እት ግርሁ እንዴ በሽለ ቅሩብ የሳሰ ጸንሐኤ፡፡ እትሊ ድዋራትመ ድድለ ወራር አንበጣ ሽቅል ትሩድ ክም ወደው እት መዳፍዐት ለሻረከው አንፋር ብከው፡፡ ከረም 2018 ቅዝር ሰበት ዐለት፡ እት አቅለም ቅብለት በሐር ቀየሕ እብ ውሓይዝ ለሰቲ ምን ገብኤ ወእብ ዝላም ለዐል፡ ኩሉ ግሪህ እትይ ስኒ ሀቡ፡ ሐረሰቶት ወሰብ መቅደረት ሐርሰ ምን ተጃርባም ክም ለአሙሩ፡ አንበጣም እት ከረም-ሰኔት ክም በዜሕ ወደሐው እግል፡፡

ኩሉ ለዕሽል አንበጣ እብ ደዉ፡ እብ ነሐር አዳም ሰዳይት ሕበር ሰበት ሐሊቱ፡ እት ብዕድ ኢቃለም ልግበኤ ወድወል ለኑፍረ ምን ሐባይ ደዐሊ፡፡ እት ምዴርየት ባጽዕ (ዳሕዩት እምበረሚ)፡ ተረርፍላ አንበጣ እት ቀምብሎ ጸንሐው፡፡ ደወ ካፊ ምን ትረከቤ ለአንበጣ እት መሳክቡ



ገሌ ምን ሐረሰቶት ቅ/በ/ቀየሕ



እግል ልትረሸሽ ቀድረ፡፡ እት ሽቅል ሻርቡ ለሀለው ሰብ መቅደረት ስኒ ሀርኩታም ሰበት ቶም፡ ዝያድ ተጃርብ ምን እሊ ፈራርታቶም ረክቤ፡ ሐረሰቶት ቅብለት በሐር-ቀየሕመ እሉም ሰብላም ውላዶም ምን ረክበው እብ ወቀዮም ሕብናም ቶም፡፡ ሽዑብ እብ ዕንቱ ለረኤየ እት ለሐብር፡ ሰብ መቅደረት ሐርሰ እብ መካይን ወኣላት፡ ክምሰልሁመ እብ ደወ ወዕልማይ-ፍክር ምሰል ሐረሰቶት ወሰብ ሸርኩቶም ላተን እዳራት ገብል እት ልትሳደው፡ አንበጣ ጅልፈት ሰበት ገብኤ እሊ ቱ እክል ከለፍ እት ዳንዳታት ወወደኒት እንዴ በጽሐ ዳብ ውቀዕ ብጽሕ ሀሊ፡፡ ኩላን ምዴርየትላ አቅለም ኣክል-ሕድ ሀለየ ምንመ ኢልትሀል፡፡ የም ዓመት ሐረሰቶት እክል-ሰኒ ክም

ለኣቲ ልትቀየም፡፡ እት ገሌ ድዋራት ሀቡ፡ ሳልሳይ እተይ (ከለፍ-አልከለፍ) ለበጽሐውመ ሀለው፡፡ እብ ዓመት አቅለም ቅብለት በሐር ቀየሕ እብ ዝላም ስሕል ጋድጥታቱ ወኣድብኩ ኣክደር ጋብኤ እት እንቱ ለእግል ቡዳሁ መጽኢ አንበጣ ዳብ ክል ኣካን ክም ሰፈር ክፍኩፍ፡ ወሐረሰቶት እተየም ራክቦም፡ ንዋዮም መ እንዴ ትረሸደ ረኣሰ አሰዕር ሰከብ ወሰቱ ደል ርኤናሁ፡ ወቀደለ እቲ ክሰኣም ዐለው ሰብ መቅደረት ሐርሰ ውሃረት ሐርሰ ዐጅቤ፡፡ አባይ ሕበር፡ እብ ሽጋብ ሕበር ክም በዴመ እት አርብጊቱ ምዴርየት ቅርረ፡ አፍባቡት፡ ሽዑብ ወጽዕ ለርኤናሁ ሰርገል ገብል ወሰብ ሸርኩት ላተን እዳራቱ ሰመዕ በሲር ቱ፡፡





# ምድር ሐባብ ቀደም ስኒን ብዙሐ...

5ኛ ክፋል

ክምስለ እተ ሐልፈ ክፋላት ጀሪደት ኤሪትሮፖ ሐዳስ ለረኤናሁ፡ ምድር ሐባብ ፋዬሕ፡ ምን ቅብለት ኤሪትሮፖ እንዴ አስተብደ አስክ ምፍጋር ጸሓይ ሱዳን ለልትመደድ እት ገብእ፡ እሊ ምድር እሊ ለዲብ አውለት ወእብ ፍንቱይ ህዩ ዲብ ሮራ ሐባብ ወነቅፈ ለነብር ሽዑብ እት ሒን አውል እብ ንዋዩ አስክ ስሕል ተሓት ወምኑመ አስክ መዐደይ ሕዱድ እትለ ህለ ድዋራት እት ሰብክ ወንዋዩ እት ልርዔቱ ለልትናበር። እሊ እብ ሐባብ ለልትአመር ገቢል ትግሬ ምን ብዙሐ ገባይል ለልትከወን ቱ።

ምድር ሐባብ ፋዬሕ ምንግቱ ገቢሉ እብ ሰብክ ወስግም ክምስልሁም ዲብ ሳብት ዳምሮታት እት ነብሮቱ እብ ንዋይ ወሐርስ ለልትናበር። መጽዕን እንሴ አብቁል፡ አዱግ ወአብዕረት ህዩ ለእመር መዋሰላት ገቢል ሐባብ ቱ። አሐ፡ አጣል ወአባጌዕመ ለእመር ተዋቦም ቱ። ዲብ ሰብክ ወስግም ለቀሰምመ እግል መርዒት ንዋዩም ቱ።

ሰብ ሐባብ ላኪን ምድርም አውለቱ ልግበእ ወስሕሉ፡ ዝያደት ዲብ ለአትዋይኖ እግል አውለት ወስሕል (አፍሓሬን) እግል ዝላሙ፡ ንዋዩ ወሰዑ እት ለሐምዶ፡ ክምስልሁም ዲብለ ዘበን ለህይ ገብእ ለዐለ ዘማቱ ወሸፍ እብ ሕላይ ቶም ወሱፋ ለዐለው።

እሊ ገቢል እሊ እተ ዘበን ለህይ ኖሰኖሱ ልግበእ ወምስለ ምን ረዩም ለትመጽእ ከራዊ ልትሻፈፍ ምንመ ዐለ፡ እብ ፍንቱይ ዲብ ዘበን ምጽአት ሕክም ዋልያን ላተ ሸየሙ ወሰብ ገጹ ዲብ ልትአሰሮ ወልትቃተሉ፡ ወምን ብሩድ ምድርም አስክ ከረ ባጽዕ ወዐሰብ እንዴ ነስአምም ዲብ ልትሐበሶ ለሐልፈ ቴልል ዝያደት ለሽዑብ እቢ እስትዕማር ክምስል ዘይድ እቱ ወዴ ዐለ። ለታሪክ ለህይ ህዩ እብለ እተ ዘበን ለህይ ለትኩተብ ወለትወሰቀ ሐልየት ሻርሐ እግልነ ህለ።

እተ ወቅት ለህይ ገቢል ሐቢል ብዝሓም ሐልየት አው መሰንቅየት ዐለው እሉ። ምን ብዙሐ ሐልየቶም ህዩ እተ ቀደም ዝያድ ምእት ሰነት ዋዲ ለህለ ዲብ ሰነት 1913 ለትጠበዐ ክታብ ሐይለት ትግራይት ክቱብ ሰበት ህለ፡ ምን ግም እት ግም እግል

ልትሐላለፍ በክት ዐቢ ቱ። ምን እተ ክታብ አስማዮም ወሕላዮም ለህለ እመራም ሐልየት ሐባብ እሎም ለተሉ እግል ንሳሚ እንቀድር።



1. አሚር ወድ ገበህ 2. መሐመድ ወድ ጃውጅ 3. እክድ ወድ እዛዝ 4. መሐመድ ወድ መዲን 5. ዐሊ ጃንጌ ወድ ሕመድ-ድራር 6. እያሱ ወድ ህብቱስ 7. ዔደረት ወድ ህዳድ 7. መሐመድ ወድ ዐሊ-ፋላት 8. ግዱፍ 9. መንደር ወድ ፈረጃለ 10. ተክለምክኤል ወድ ክርዳድ 11. ከንቱባይ ሓምድ ወድ ሐሰን 12. ሰሊም ወድ ከሮፍ 13. ወድ ሸሉ 14. ሓምድ ወድ ዐሊ 15. መሐመድ ወድ ፍቅሪት 16. ሕመድኖር ወድ ናይብ ወብዕዳም አስማዮም እትሊ ክታብ ለኢተህደጋመ ህለው።

እሎም ሰሮም እብ ትልተል ወሰሮምም ፍርቀት እንዴ አሰሰው ወለሐን እንዴ አፍገረው እት መናሰባት ለሐሉ ክምስል ዐለው፡ እለ እት ሱረ እንርዩ ለህሌነ ፍርቀት ፈን ሐባብ ለብሰተ ልግበእ ወአላት መሲቀተ እግል ኖሱ ወስፍ ናይለ ውቀት ለህይ ለህይበን። እለ ሱረት እለ ህዩ እት ሰነት 1930ታት፡ በህለት ቀደም ሐድ ምእት ሰነት እት መደት ሕክም ዋልያን ለትሰወረት ዲብ ትገቢእ፡ ተሐልዩ ለዐለት ፍርያት ሕላይ ልግበእ ወለሐኑ ሚ መስል ወሚ ልብል ዐለ ዮም እግል ንርከቡ ሱዱድ ቱ። ለሱረት እግል ኖሰ ሰመዕ በሲር ናይለ እተ ወክድ ለህይ ለዐለ ሐሰሳይ ፈን እት ምድር ሐባብ ለትሸፈሐ ዎሮ ምን ዝሕርታት ትግራይት ቱ። እሊ ህዩ እት ወራት በሐስ ፈን ትግራይት እተ እንወድዩ ጸገም፡ ፈን ትግራ እብ ዓመት ወእት ምድር

ሐባብ እብ ፍንቱይ እብ መሲቀት፡ እብ እተ ወቀት ለህይ ለዐለት መሲቀት ሌጠ ምን ንሓሰብ ፈን ትግራ እት መሲቀት ዓዳት ቀደም ሐድ

ዎሮ ዘመን ክምስል አንበተ እግል ንአምር እንቅድር።

ለእተ መደት ለህ ልትሐሌ ወልትሰንቄ ለዐለ ሐልየት እግል ጠቢዐት፡ ግብእ፡ ድመል፡ ምድር ወለመስሉ ለተሐላ ቱ። ለበዝሐ ምኑ ህዩ እግል ነቅፈ ወሰብ ነቅፈ እንዴ ቀሰደው ለአፍገረው ቱ። እግል መስል ከንቱባይ ሓምድ ወድ ሐሰን እት ሰነት 1887 ዋልያን እትለ እትየተ እንዴ አሰረቱ ዲብ ባጽዕ ሐብሰቱ። እተ ወክድ ለህይ ከንቱባይ ሓምድ ሐልያይ ሰበት ዐለ፡ እብ ሓለት ክእነ እት ልብል ሐለ።

ባጽዕ እት ቀበተ ምስር ለዙዕን ገይሶ ሰብ ዐድወ ወገንደር እነ ሓይዘት ተ እት ሕርዶ ሰብ ዐተር ለደምነ ትሰለፈ መአዜ ገብእ በልሶ ቅርሕት ፍሶ ቱ አቡክ መትብእሳይ ዲብ መን ሐልፎ አቡክ እግል መትብእሳይ ካርር እንቱ ረግጾ



ሐልየት ሐባብ ምን እግል ነቅፈ ለሐለው ሕላይ እለ እት ገጽ 364 ለህሌት ሕላየት እያሱ ወድ ህብቱስ ክእነ ትብል።

ነቅፋ ምድር አብዕብዬተ - ሐሰት ኢኮን ወበረ ቅዱይ ትንፍሳታ - ዘባድ ጼኔ ወልወለ በዐለ ንጻፍ ኢሐዜ - ዒዶ መስል ከደረ በዐለ ነብራ ኢሐዜ - እክል ወሐሊብ ፋጨለ ጩወቱ እት ናውድታ - ድግድግ ለመስከብ ዐሽረ አታፍእ ዐቡድ እት እክድታ - እብ መን ባይት አድረረ በዲርማ የዕቀብ ወድገርጊስ - መጋቡ ዲበ ትሰበረ ሰመራልዑል ከንቱባይ - ነጋጊሩ ዳፊነ ገበይ ሰረዋ ወዐንደፍ - አግቡይ ለአዜ ትቀፈረ፤



ምን ዲብ ሰነት 1913 ለትኩተብ ክታብ ሐይለት ትግራይት እያሱ ወድ ህብቱስ እግል አብእስተን ሐወን ወአበወን እት ሸፍ ለትቀተለው አንስ እግል ለአደፋፍእ ለሐለዩ ሕላየት ክእና ትብል።

እምበልኪመ ወፋዋነ - አንስ ክሉቱ መንበለ ክሉ ግሰት ይዓረ -

ወክሉ ተነት ኢሰሐነ ምን እንዴ ወኪን - አርእስ ሐዱቱ ትገደለ ወለረአስ ጌሳቱ - ወለጽፍራ ደገነ አምና ሐቆ አቡኪ - ትሰሐቃ ሚቡ ወደአለ ምን ሞታ አብዕብኪ - ዮም ላሊ አክረረ ዐሜካሊቱ አቡኪ - ወእንቲ ወለት ደፈረ ዐሜካሊ እብ ገብአ - አቡኪማ ኢደሐነ ዐድና ግልብዝ ሐርማዙታ - እብ ለሸየም ትቃተለ ዐድ ለፋላት ኢለዐድም - ዋሳ ወለደንገረ ትበአሳ ሕመድ ወድ ጀሚልቱ - እት ቀበታ ትወገረ በዐል ጆር ወድ በዐል ጆርቱ - ለእለ ቤለ አሸበራ ትበአሳ ኤሎስ ወድ ድራርቱ - ዓያ

ለአልባብ ሳጠረ እግል ለኦሮት ቀትላቱ - ወእግል ለኦሮት ሓከረ ጸገም ሰኒ እሊቱ - እትለ ዛምተት ትካፈለ ልቡ ለፈረስ ይአባ - እብ ትላበዳ ወትጸሐለ ወልቡ ለመንዱቅ ይአባ - ባሮት ለሕፉን ሰረረ ወልቡ ለአዳም ይአበ - ለደገል ደገል ጸቅለለ ዋርፍ ሐረምዝቱ - ደራበዎ ከጠሐረ ምን ሸንጌራ ምን ቀንጸ - ዲብ አፍዐበድ አትሰአለ እብ ሚ ለማይት ኢቀብራ - ወእብ ሚ ለታርፍ ይአደአለ ወድ አብ ሳዋር መንባሁ - ደብር ደንደን ትሸፈለ፤

ልተላሌ....



# ኢንቡር ነዚፍ ወመሻክል ኢመትነዛም ዓደት

ንዝምት ለትትበህል ደውረት ኣክል ሕድ እት 28 ምዕል ለትመጽእ ተ። ምናተ እለ ትመሰል ሰኒ ንዝምት ዓደት ለትምጽእን ኣንሳት ሰኒ ሕዳት ተን። ከእብሊ ምክም ንቅጠት ምግባይት እንዴ ተሐሰበት፡ ሰቡዕ ምዕል እት ነኣዘይድ ወነኣነቅሰ ለኢንቡር ልትበህል ሕዳድ እግል ኒዴ እሉ እንቀድር። ደውረት ኢንዝምት ለትትበህል ዝያድ 35 ምዕል ኣውመ ምን 21 ምዕል ወተሐት ለትጸኔሕተ። ቅያሰል ደውረት ወለ ትጸኔሕ እተን ኣምዒላትመ ሰኒ ምህምቲ።

ዓደት ንዝምት ገኣት ምን ገብእ ምን ሰለሰ ኣሰክ ሰቡዕ ምዕል ትጸኔሕ። ወቅያሰል ልትክዔ ፊሻይ ምን 30 ኣሰክ 80 ሚሊ ሊትር በጹሕ። ምናተ እብሊ ገብእ ኣሰባብ እሊ መትነዛም እሊ እንዴ ጠለቀት እት ኣንሳይት ኢሐዮት እግል ተኣምጽእቲ። እተ ሙጅተመዕመ ጸር እግል ተኣክብድ ትቀድር። ለዓደት ሰኒ ብዝሕት ምን ትገብእ እብ ትሉሉይ ኣው እት ምግብ ደውረት ለትመጽእ፡ ሕድት ወእብ ትሉሉይ ለኢትመጽእ፡ እንዴ ሽበት ለትበዴ ኣውመ ክሉ ረኣሱ ለኢትሸብብ ገኣት ምን ገብእ እሊ ኢትመትነዛም ዓደት እንብሉ። እት ረኣሰ ኣሊ ክም ሽቢህ ዓደት እንዴ ገኣ ለመጽእ ዲብ ደቁስ ለጥሉቃት ኣው ኣዋልድ ነኣይሽ ምን ልትረኡ ክም ኢንቡር ነዚፍ ልትዐለብ። ምስል እሊ ለልትረኢ ወሕማም ነሳብ ላቲ ሐቅ ጅመዕ ለልትረኢ ነዚፍ ሀለ። እብ ዓመት ላኪን እሊ እሉ ሀደግን ዲብ ኣንሳይት ለልትረኢ ኢመትነዛም ዓደት እብሊ ለተሌ ኣግቡይ እግል ልትፈሰር ቀድር።

1. ደውረት ንዝምት እት እንተ ቅያሰ ዓደት ምን በዜሕ (Menorrhagia)

እለ ዓደት እለ ዝያድ ሰቡዕ ምዕል ትጸኔሕ ወቅያሰል ሕድ ምን 80 ሚሊ ሊትር በዜሕ። ለኣንሳይት ዲብ ሰዐት ዝያድ ዎሮ ሞዴስ ኣው ሽልቲት ተኣጠልል(ትቀድር)

**ሰብ**  
ማዮመ  
ኣዲኖ ማዮሲስ ለልትበህል እት ርሕም ለለሀሌ ኢንቡር ክተፍ ዶል ብእተ ኣታብ ርሕም ሰረጣን ርሕም ኣታብ ኣፍ ርሕም

ለኣንሳይት ወለት ንኢሽ ምን ገብእ ለሰብብ ፍንቲ ልብል፡ እሊ ተሌ እግል ልግበእ ሀይ ቀድር ሕማም ፕላትሌታት

ለልትበህል እት ኣርግኦት ደም ለነፌዕ ጅንሰ ሴላት ደም ሰረጣን እትለ ገብኣት ኣካን ገሮብ

እት ቅን ኣው ርሕም ምን በረ ለኣቴት ሓጀት ምን ተሀሌ  
2. ደውረት ንዝምት ወለልትነዔ ቅያሰ ሕድ ሕድ ምን ገብእ (Hy[omenorrea)

ሰብብሊ ሕዲን እሊ ተሌ እግል ልግበእ ቀድር ሕዲን ሆርሞኖት ገሮብ ኣንሳይት ምን ግዝፍ እግል ትድሐን እንዴ ትብል ነብረ ሰኔት ወካፍየት ምን ኢትነሰእ ትርድት ጅንሰ ርያደት ለትወዴ ሐቅ ትገብእ (ክም ሰዐይ)

ኣሰዑድ ወመንደቅ ናይ ርሕም ሃምር ምን ገብእ ርሕም ምን ክልቀቲ መማኒቲ ሰኒ ሐቅ ኢገብእ(ምኔ) ረክሰ ርሕም ምን በ ጀሬሕ ክርስ ርሕም ሱዱፊ ምን ገብእ

ቀደም እለ እግል ካፍሐት ዕምሰነ ኣሰርየት ትነሰእ ምን ተዐሌ

መትከርያት ዓደት ለሰብ መሻክል ምን ብእተ፡ (እግል መሰል ኣፍ ርሕመ ጸቢብ ምን ገብእ)

3. እት ምግብ ዓደት ንዝምት ለልትረኢ ነዚፍ (Metrorrhagie and Menometrorrhagea)

እሊ እት ምግብ ዓደት ለልትረኢ ነዚፍ እት ገብእ ምን ቅያሰ ንቡር ዓደት ለልውሕድ (Metrorrhagea) ኣው ለበዜሕ (Menometrorrhagea) እግል ልግበእ ቀድር።

ብዝሒ ወሕዴ ለሰብ ሕማማት ሕድ ምንመ ሸብህ፡ ሕማም ዶል ልትደቀብ ላኪን ዝያድ ነዚፍ ለኣመጽእ።

**ኣሰባብ**  
ሕማም ኣፍ ርሕም ሰረጣን ኣታብ መትገላብ ርሕም ሕማም ርሕም ክም ማዮመ፡ ኣዴኖማዮሲስ፡ኣታብ፡

4. ዓደት እንዴ ኢትመጽእ ብዞሕ ለትጸኔሕ ዶል ትገብእ(Oligomenorrhea)

እለ ደውረት ንዝምት እንዴ ገኣት ወዝያድ 35 ምዕል እንዴ ወዴት ለትመጽእ ዓደትተ። እሊ መሻክል እሊ ለሰብ ክምለ እት ናይ በደ ዓደት ለረኡናሆም ቶም።

5. ደውረት ዓደት ሰኒ ሐጫር ምን ትገብእ (Polimenorrhea)

እለ ዓደት እለ ትሉሊት ወ 21 ምዕል እንዴ ኢትክልእ ለትመጽእ ዓደትተ። እብሊ ሰብብ እሊ ሀይ ምስል እት ፍንጌ ደውረት ለመጽእ ነዚፍ ተኣትጌ። ኣግደ ሰብብ ናይ እለ ትመሰል ደውረት ሀይ መሻክል መትከራይ ቤጭ ምን መሕፈዘት ቲ።

6. ሐቅ ጠለቀ ልልትረኢ ነዚፍ(Postmenopuasal bleeding)

ኣንሳይት ደቁስ ጠለቀት እግል ትትበህል ገኣት ምን ገብእ ዕምረ ዝያድ 45 ሰነት ዶል ገብእ ወዓደተ እንዴ ኢትርኢ ዝያድ 12 ወሬሕ ምን ትወዴቲ። ሐቅ እለ ለመጽእ ደም ዓደት እንዴ ኢገብእ ነዚፍቲ ለልትበህል። ኣባቡ ሀይ እሊ ተሌ እግል ልግበእ ቀድር እት 30 ምእታይት ኣንሳት ሀማረት ኣሰዑድ ቅን ወርሕም እት 30 ምእታይት ኣንሳት ኣሰርየት ኤስትሮጅን ለልትበህል ሆርሞን ምን ልትነሰእ እት 10ምእታይት ሀይ ሰረጣን

ምስል እሊ ተሀደገ ሕማም ኣርሓም ወሰርዐት መትፈራይ ለኢልትጸበጥ ኣሰባብመ ሀለ እግል መሰል

ነዚፍ እብ ሰብብ በዋሲር ሰረጣን ናይ ተሓት እንክር ሓቀቀት ነብረ ሰረጣን ሰርዐት ሸን

**ሰራይ**  
ሰራይ ናይ እሊ ተሀደገ መሻክል ዓደት እት ፈረጎት ናይለ ኣምጸኣዮም ሕማም ለኣተንክብ ለኣንሳይት ነዚፍ ሚ እት ትሸቁ ክም ኣንቡተየ

እብ ትሉሉይ ልውሕዝ መለኣትካርም ወመጽእ

ቅያሰ ናይለ ገይሰ ደም ኣክል ኣይ ክምቲ (ክም ሞዴስ ኣውመ ሽልቲት ተኣጠልል)

ለናይ ሰልፍ ዓደት ከፎ ክም ዐለት (ሕድት፡ ብዝሕት፡ ወለመሰሎም) ሐብሬ ሰኒ ልብ

እንዴ ከሬት እግል ትጅምዑ ወእግል ሐኪመ እግል ተሐብር ለሌሳቲ። ሐብሬ ብሸል እት ፈረጎት ሕማም ሰዓይት ዐባይ ብእተ።

**ዴማት፡ ክታብ ኣርወሐትኪ ኣተክሪ እብ መ/እድረሰ ሓምድ**

## ክሸሶ ኣንሳይት እግል ልሰረት ለቡ ለመድ ግውኑይ

ክሸሶ ኣንሳይት ክሉ እት ገሮብ ፍሬ ኣንሳይት ለገብእ ኣዘ ክምክም። ሕነ ይእንክሸብ ለቲራይ ሌጠ እሉ እንገርብ ከእንዴ ኣጥሀርነ ነሐድገን እት ልብሎ ለልትነዮቶ ጀሃት ሱዱፋምኩም ገብኡ። ምናተ እብ ዕን ወዛረት ዓፍየት ወምኤምረት ዓፍየት ቀሊል ወክቡድ እንዴ ትበህለ ለልትፋረግ ኣለቡ፡ ክሉ ምኑዕ ወእቡይ ቲ። እግልሚ ምን በረ ዕን ለኢትርእዩ ምስክነ ገሮብ ወዐቅል ለልሐድግ ኣከይ ዓዳት ቲ። እብ ደረጀት እድንዩ ክም ዴራይ ዓፍየት ሌጠ እንዴ ኢገብእ ከዩድ ሕቁቅ ኣደሚ እብ ዓመት፡ ከዩድ ሕቁቅ ኣንሳት ሀይ እብ ፍንቲይ ልትዐለብ።

ክሸሶ ኣንሳይት እሻረት ኢመሰዋት ኣንሳት ወተብዕን፡ ለትመክረህ ተኣምርተ ፋረጎት ፍንጌ ክልኢቲ ለኣጅናስቲ። እግል ኣንሳይት ዓፍየተ፡ ደሐነ ወታምም መማኒተእንዴ ኣክረበ ሕርየተ ምን መጸጸት እንዴ ነስእ ሽሬፊ ለለሀይን ለመድቲ። እብ ዐባዩ ሀይ እት ሞትመ እግል ልካርየ ለቀድር ውዳይ ግውኑይቲ።

ክሸሶ ኣንሳይት እትሊ ሀሌናሁ ዘበን ዲብ ዐለም ዲብ 29 ደውለት ኣቅሩዱ ሕጡጥ ሀለ። እለን ድወል እለን ዲብ ኣፍራቀ፡ ምግባይ ምፍጋር ጸሓይ ልትረከበ። ዲብ ኣሰዩ ከረ ህንድ ወፓኪስታን ኢንዶኔዥየ ወዲራቕመ ኣሰክ እለ ገብእ ሀለ። ዲብ ግብሊት፡ቅብሊት ወምግባይ ኣሚሪክ ሀይ ለኣሰሊ ሳክንል ምድር ላቲ ሽዑብ ወድዩ ሀለ። ዲብ ድወል ምውዳቅመ እብ ዐለዮ ምነ ኣዋልደን ለኣካሸበ ድወል ዲብ ለሐድረው ገባይል ምኑዕ ዲብ እንቲ ኣዋልዶም ለኣካሸበ ልትረኣው። ዲብ ኣርቤ ቅብሊት ኣሚሪክ፡ ኣውስትራልየ ወኒውዚላንድ ገሌ ኣዋልድ ክሸባት ጸንሐ።

እት ኤረትርየ መደረቲ ለኢተኣምር፡ እብ ቃኑን ምኑዕ ክምቲ ለኢትደሌ ዓይለት ሀሌት እግል ልትበህል ኢልትቀደር። ለለመድ ዲብ ልተረክ መጽእ ምን ሀለ ሀይ እግል ኣዋልድን ከበር ሰኒቲ። ላኪን ዲብል እንሰክብ እተ ሓለት ኢሀሌ። ክሉ ረኣሱ ተረክናሁ እንዴ እንቢ እብ ደረጀት ደውለት ኣሰክ የዐለን። እሊ ዕላን እሊ ለነኣሸፍን ሀይ ኖሰናቲ። ለኣምርነ ፍዕልነ ልትለዩ።



ደው ኤቸ ኣይ ሺ ምን ሞት እት ሐዮት ለዐደዩ ሻብ





# አሳር

## ዕርዲ አሰያሰ

ሓይላም ቄርአት እተ ለሐልፈ ጥብባት ሰለሰ ከፈፍል እሊ ክቱብ እሊ ቅዱማም እግልኩም ክም ዐልነ ለልትአመር ቱ የም ህዩ 4ይ ክፈሉ እንዴ ጸበጥነ ማጸምኩም ህሌነ ቅራአት በኪተት እት እንብል እተ ጽበጡ እግል ንዐዴኩም ቱ።

ምሽክለት ሀለዮት እት መትፋህም፡-



ዲበ ለሐልፈ ክፋል ክምሰለ ትሽረሐ ገበይ መፋሃመት ዕውትት እግል ትግባእ 5 አግቡይ ለአትሐዝዩ እሊ ህዩ ልእካይ ፡መትከብታይ ፡ መዐድያይ፡ አግቡይ ልእካት ክምሰልሁመ በለሰ ልእካት እግል ለሀሉ ወእብ ወጅብ እግል ልሻርኩ ለአስትህል።እሊ አግቡይ እሊ እብ ተማሙ እት ህለ ገበይመፋህመት ክም ምራድ እግል ኢትሄርር ለልዓንቅፈ ኢትሐግል።ሕሩይ መዐደዩ ሐብሬ እግል ትግበእ ህዩ እሎም ለተሉ 5 አግደ ምሽክለት መፋህመት እብ ዋጅብ እግል ልትፈህሞ ወልትወርከው ወጅቦም።

### 1. ናይ ጠባዩዕ (behavioral) መታክል እት መፋህመት፡-

እሊ ናይ ጠበይዕ መታክል መትፋሃም ፡ኡብ ሰብብ እኪት ጠቢዐት ወድ አዳም እግል ልምጸእ ለቀድር ናይ መትፋሃም መታክል ቱ።እግል መሰል፡- ቅቤ ደሀለዮት ደማነት፡ሐሩቀት፡እብ ሽዑር/ሰምዒት ጊሰት፡ አብዝሐት ህግዩ፡ክጅል ወትም ብህለት፡ ካለፎት/አትካረሞት እፍካር፡ አትዓበዮት ሀገጊ ወ ሕሜት ገሌ ምኑ ቱ።ዲብ ክድመት ጋሻ ለትፈረረ ሽቃላይ ሐቆ ገብአኩ፡ እብ እሊ ለተሌ አሰእለት ነፍሱካ እግል ትሰእል ብከ።

ናይ ሽቅል መልህያምክ/ መትሻቂትክ ወጋሻክ ልትሃገውክ ዲብ ህለው ናይ ሽቅል ልግበእ ውብዕድ ደረጃቶም እብ ኢከሰስ እምበል ቅብብ ወፈናታይ ልእካት ህግያህም ልብ እንዴ ከሬክ እግል ሰምዐ፡ ምን ሐሩቀት ህዩ ድሓን ግበእ። ወለ ድድካመ ልግበእ ለልትህዩብ ጥርዓን ወረኣይ ብዕዳም ሽዑርክ እንዴ ከረዕካ ልእካትክ አሰክ ተምም ትክ እንዴ ትቤ ታቤዕመ ኢፋል? ለኢሊዓጅበክ ዘቡን ዲብ

መአሰሰትክ ሐቆ መጽእ ሽዑርክ/ ሰምዒትክ እንዴ ሐብዐክ እብ ገጽ ፋርሕ ትትከበቱ ገብእ? ዲብ ሽቅል አው ዲብ እጅትማዓት መልህያምክ ረኣይ ዶል ለሀይዐ ረኣዮም አሰክ ለአክልሶ እብ ሱብር ትጸበርም ገብእ መ ተዐንቅፎም? ኩሉ ለትሐለፈ ልእካታት እብ እሕትራም ወሐድ ከሊማት ትትዐደዩ ገብእ? ዲብ እጅትመዕ ልግበእመ ዲብ ክሉ ህጅክክ ክጅል እንዴ ሽክክክ ወለ ከግእ ሕሳብመ ልግበእ እብ ሰጃዐት ትሀርሱ ገብእ? ለትሓልፋ ልእካት ታመት ወእግል



መትከብታይ ለኢተአግም ተ እንዴ ትቤ ተአምን ገብእመ ኢፋሉ? ምን አትራዛቅ ህግዩ ድሐን እንተመ ኢኮን? ሐቱ ምነ ናይ ሽቅል መልህያምክ እብ ትሉሉይ ምስለ ሽቅል ለኢገይሰ ከግእ ትወዴ ሐቆ ትርእዩ ገብእ መተአረትዐ?

መትከብታይ ጋሻ ሓቆ ጋእክ እግል እሎም ዲብ ለዐል ለትሀደገው አሰእለት እብ ተማሞም አይወ እንዴ ትቤ አሰክ ትትከበቶም ነፍሱክ ፈተሾት ወዐገሎት እግል ለአትሓዘካቱ። ምናተ ኢፋሉታይ ፍንቱይ ጠባዩዕ ዲብ ፍንጌ ሓቱ ላሊ ወአድሐ እግል ትቀይሩ ሰበት ኢልትቀደር እንዴ ፈጠንክ አሌለዮት ምህም ቱ። ናይ ጠቢዐት ተቅዩር አጊድ ለመጽእ ጋር ምንመ ኢኮን ሀደፍ ወምራድ ሐቆ ብከ ዲብ ረዩም ለኢገብአ ወክድ ጠቢዐትክ እግል ተአሰኔ ልትቀደር። ዲብ ሒን ሐጨር እብ መሻቂትክ ወ ጋሻክ እግል ትትፈቱ ወ አዳም እግል ትክሰብ ሐቆ አን በትክ ለዶል ለሀ ፍሬ ተዐበትከካ ጃቅፍ ክም ህሌክ እግል ትዘከር ብከ።

### 2.ናይ መአሰሰት መታክል መትፋሃም፡-

እሊ ጅንሰ መታክል እሊ ዲብ መአሰሰትካ ፍግራት ሰነት ለቡ መትፋሃም እግል ኢሊህሌ ለልዐንቅፎ ወራታት መአሰሰት ሽምል። ሽቃለ ወለልአሽቅዎም ሰብ ሽቅል ጠባይዶም ዲብ መአሰሰት ሽቅሎም እግል ለአርእዉ ለቦም ጠባይዕ እብ ግብአቱ ለዲብ ለዐል ለትሽረሐው ምን ጠቢዐት ለልትበገሶ መታክል መትፋሃም ክፈል ናይለ መአሰሰት ላቱ መታክል ኩሉ ዲብ እለ



ናገት ወድ አክቱ ለልትበህል ሓልያይ ምን ጅመጃን እብ ምስምሰ ጽኔዕ ወለዘበን ለሐለዩ ሕላዩት እግል ንርኢ፡-

ሐመድኮክ ም ረቢ በዐልዩ ለውዳዩ  
ፍሩር ዔረ እቱ አቡክ እብ ግላዩ  
ምን ሓሁ ትገሰ ምን ወአቱ ወብዕራዩ  
ምን ገርሀቱ ትገሰ ሽዒሩ ወሸንራዩ  
እሊት ብእሰ አቤት ወውላድ እግል ዋልዳዩ  
ሐም ሐምሁ አብ መሰንኡ ወፊታዩ  
ሞላዱ ኢዐለበ ወርዝቁ ወንዋዩ  
እብ ኢገጽገጽ ወእብ ለኢናይ ናዩ  
ጽኑዕ ተህመጀ ወጸንዐ ሀመጃዩ  
መሓዝ ዐቢ ነጽፈ ወእተም ዘረ ማዩ  
እሊ አትባቃሉ ወእሊ አትባዳዩ  
አቡክ ኢትረከበ ቅርዱ ወሰራዩ  
ኢነሰአዩ ሚ ቡ ቅርሹ ወብላዩ  
ትግራይ እብ ጅብቱ ወበልዋይ እብ ብላዩ  
ጽኖዕ ለአርሕመኒ ወእሊ መከርማዩ  
ከራይ ሐዩት ቀትለት ወአቴት እብ ግዳዩ  
ጭንጫይ መምበ ገብአ ወሐርማዝ ሐረሰታዩ

መጅመዑት እለ ለአቱ። እብ ተውሳክ ሕዲነ እጅትመዕዩት፡ ረዩም ፔርክራሲ(ረያም መሳፈት ፍንጌ ሽቃለ ወመሰኡሊን) ብዝሐ ሽቅል ወሕዲነ አምር፡ ምህነት ወለመሰሉ ፍገራት ሰኔት ለቡ ናይ መአሰሰት መትፋሃም እግል ኢሊህሌ ለልዐንቅፍ መታክል ቱ።

### 3.ናይ ሰቃፊት መታክል መትፋሃም፡-

እለ እኑብር ዲብ ለህሌነ እድንዩ ምን ቅያሰ ወለልዐል ብዝሓም ወለ ተሐባለከው ሰቀፋት እቡ ለትበኔት ቱ። ክምሰለ ጠቢዐት አው ለመድ ናይለ ገብእ ልግባእ ነፈር ምን ብዕድ ነፈር

ለፈንትዩ ፡ ሐቱ ሰቃፊት ምና ብዕደት ሰቃፊት ለትፈንትዩ ናዩ ጠቢዐት ቤ፡ ምን ክልኦት ለትፈናተው ጠባዩዕ ወለመድ ለቡ መጅተመዓት ለመጽአው አንፋር ዲብ ለወድዉ መትባዳል ሐብሬ፡ እብ ሰብብ መትፈናታይ ሰቃፋቶም ወለመዶም ናይ መትፋሃም መታክል እግል ልሳድፎም ምን አማን ለሬመ ኢኮን። ምን ክምሰል እሊ ለመሰል መታክል እግል መትባልሐት መትከብተትካ ናይ ውላድ ካርጅ ሀገጊት እግል አመሮት እብ ክለ ሒሉቶም እግል ልክደሞ ወጅቦም እግልሚ እሊ እት ሽቅሎም ሴድያይ ሰበት ገብአቱ።

### 4.ናይ ዓፍዩት መታክል መትፋሃም፡-

ምን ምስኩናም ለመጽእ መታክል መትፋሃም ምስለ ናይ ጣቢዐት መታክል እግል ልትሓሰብ ለወጅቡ ምንመ ቱ። ምስክና እብ ክልቀት ሌጠ ለመጽእ ሰበት ኢኮን እግል ልትዓለጅ ወልሕዩ ለቀድር አሰክ ገብአ፡ ምስለ አዳም ለሽቅዩ መታክል እግል ልትሓሰብ ቀድር። እግል መሰል፡-ናይ ዕንታት ምስክና ምን ቅራአት ወግንሐት ለልዐንቅፍ ቱ።ምስክና እዘንመ ምን ስመዕ ወምስክና ሓንገል ምን አተርከዞት ለልዐንቅፍ ገብእእ እትህለ፡ ምስክነ አንያብ ፡ንሳል ወአንፍ መ ምን ህግያ ለልዐንቅፍ ቶም።

ልተላሌ....



እትሊ ወክድ እሊ እብ ለትፈናቱ አሰባብ እት ዐለዮ ነብሮ ለህለው ሽባብ ኤረትርዮ ዕልቦም ሰኒ ወእማን ብርኩት ቲ፥ ዐለዮ ዐለዮ ምንመ ገብእ ምን እሊ ወጠንክ ለኢገብእ ምጅተመፅ ወምድር ሚ እግል ልክሰቦ ለልሐድዶ ላኪን ለሸባብ ቶም፡ዝሩፍ እዲን ወስዮሳትለ እት ነብሮ ድወል ለሰድዮም ምንመ ኢገብእ ክሉ መታክል እት ኣብኹት እንዴ በደለው እብሊ ህዩ እምበል ሕላሌ ዶል ከድሞ ወሀደፎም ዶል ለኣነጽሮ ብዞሕ ዝሮታት እንዴ ክሰበው ፈጅር ዐዶም እግል ለኣቀብሎ ክም ቀድሮ እመር ቲ፥ ምናተ ገሌ ሸባብ ዘበን ሸብቶም እት ብላሽ እንዴ ኣብደው እምበል ብልዐት ወሰትዮ ብፅድ ለህለ ሰበት ኢመሰሎም ፈጅር ዕምር ሸብቶም እንዴ ኣብደው እግል ሬፍዒት ወሰዳይት ዐዶም ለልኣቀብሎመ ኢትሰኣነው፥ቱእግልዮም እት ሰፍሐት ሸባብ እት ዐለዮ ለነብሮ ሸባብ ምን ዐለዮ ሚ እግል ልክሰቦ ቦም ለልብል ክቲብ እንዴ ጸበጥነ ማጸምኩም ህሌኑ ከእትሊ ምን ብዝሕማ ሸባብ ለትረከበ ተጃርብ እንዴ ኣትዳሌነ ማጸምኩም ህሌኑ፥ ከኣሰል እት ዐለዮ ለነብሮ ሸባብ እለን ንቃጥ እለን እንዴ ኣመረው እግል ልሸቀው ክምሰል ቦም ወእተን ኣንተብሀው ምንንብእ ህዩ እግል ልትዐውቶ ክም ቀድሮ እግል ለኣምሮ ወጅቦም መሰለኒ ለንቃጥ እለን ለተልዶ ተን

- 1.ሀደፍ ሐደዶት
- 2.እት ዓዳት ኖስ ኣፈፊት
- 3.መተድብረት ግብኣት
- 4.እጅትማዕዮት ጠውሮት
- 5.ክህላይ
- 6.ዕልም ወቱክኖሎጂ ክሰበት
- 7.ወጠንዩት ብንዩት ገሌ ምነ እግል ልውሮሱ ለወጅቦም ጋር ቲ፥

1. **ሀደፍክ ሐይዶት፦ ዎሮት**  
እት ዐለዮ ወእብ ፍንቱይ እት  
ሶደን ለነብር ሻብ ምስሉ ክም  
ትኣምርኩ፡ አስክ ሶዳን ከፎ ጊስክ  
ዶል እቤሉ ለልአትዐጅብ በሊሰ  
ሀቤኒ። ወላሂ ኣነ ሽቅል ሰኒ ዐለ  
እግልዬ እት ኤረትርዮ ኢትኣምነኒ  
ትገብእ ቀደም ዐስር ሰነት ለገብእ  
ኣምበል ነብራዬ ውበዕድ አበልዬ  
4000 ነቅፈ. እደፈዕ ዐልኩ፡ ምስል  
አበልዬ ሀዩ እሊቱ እግል ኢበለከ  
ይአቀድርብ ማል ሰኒ ብዙሕ ቱ፡  
እብላዩ እት እሸቄ እብ ዕርፍ አክለ  
ዐድ መጸኮ ክሎም ለመልህያምዬ  
እንዴ ጌሰው ጸንተኩኒ ዐለው ወእብ  
ገበይ ኢንተርኔት እንተ ቀሺም

A photograph showing the silhouettes of two camels walking across a desert dune at sunset. The sky is filled with soft, orange and yellow clouds, and the sun is low on the horizon, creating a warm, golden glow. The camels are in the foreground, their dark forms contrasting against the bright sky.

ምን እለን አምሳላት እለን  
ለእግረኤዩ ምን ለሀሌ እሉም ሽባብ  
እሉም ሀደፍ እምበል አለቦም ቱ  
እት ምሮ ስታት ለበጽሐው ክምስለ  
ሸማል ጌልሉም ሄረረው ቶም። ሶዳን  
እግልሚ ገይስ ክም ዐለ ለኢለአምር  
ሻብ ወእብ ክሰሱ ሶዳን ሐብሬ  
ካፍቶት ለአለቡ እት ሶዳን እንዴ  
መጸ እግል ልቶአውት ወልትቀደም

ሰባት እሊ ክል ዶል ሀደፍ  
ብከ ምንጉብእ ለትሄርር እብ ገብይ



2. እኑ ዓዳት ኖሰ ሓፊዞት እለ ንቅጠት እለ ምነ አግደ ንቃዋ እንዴ ገብአት ትትርኤኒ ዎሮት ነፈር እት ሀደፋ እግል ልብጸሕ ገብአ ምንገብእ ናይ ምጅተምዑ ሳልፍ፡ ደዎነቱ ፡ዓዳቱ ወተቃለዱ እቱ እግል ልሓፍዝ ላዝም ቲ። ሕርየት ኖሰ በሀለት ሐቅ እንሳንየት እንዴ ትበሀለ ኣት አሮባታት ወብዕድ ድወል ለትትሆብ ሐቅ ነብሪ ምስል ወብዕድ ጋራት እቱ ለሀለ ዓዳት ወነባሪ ምጅተመዐከ ሰበት ኢጉብእ ቅየምከ እግል ኢትአዝበ መትደጋግ ለአትሐክክ፡ ክም ምራድክ ክምረት

እሊ ዶል ለሐሸም ከምን በደ ከምረት፡ቅሐብ መከደራት ውበዕድ ዶል ረዩም እት ክል ወራቶም ዕወታም እግል ልግብኦ ለበበ በክት ህለ እግሎም ሰበት እሊ ካርጅ ወእብ ፍንቱይ አርበ እት ቅየም ምጅተመፅ አፍሪቀ እምትሓን ለትወዴ ሰበት ገብኦ ክል ሻብ እትሊ እኝዴ ሓፊዘ እግል ልፄርር ህለ እግሉ፤ ለትሰረረት ክሉ ረሱሉ

**ልተላሌ...**



## ልግብ ለናይ አማን አብ

ለአብ ክመ እተ ዓደቱ ላሊ ምድር ዐድ ዶል ዔረ፡ እተ ቁርፈት ለወልዱ ሰክብ እተ ክርን ብካይ ሰምዐ፡ ሰኒ ህሉግ ወእብ ፈርሀት እት ለአርዐዔ እንዴ አተ እቱ ምን ምስምሳለ ብካዩ ትሰእለዩ። ለጀነ ሒለት እበ ልትሃጊ ሰእን እት እንቱ፤ ዮም ምሴት እሊ ፍላናይ ለጂራነ (መስኒሁ እግል አብዕብዩ ዐሊ) ህቱ ሞተ ቤለዩ።

ለአብ ህዩ እለ ክም ሰምዐ ሰኒ ፍኩር እት እንቱ፤ ሚ ትቤ! ፍላን ሞተ ትቤ! ሊሙት እግልከ እሊ ካርፍ ድግለል እሊ ምን መይት እንተ ሚ ነቅሰት ምንከ፡ ህቱ ሐዞቱ ምን እለ እዲነ ሐቲመ ሓድግ ምን ይህለ፡ ሐር ህዩ ሰነትካመ ኢኮን..ከእንተ ኣዜ እብ ረሕመት እቱ ትበኪ ህሌከ፡ እለ እንተ ጀነ ከፎ ግሉል እንተ! ምን ክሉ ህዩ ኣነ ለጀሬት እትከ እንዴ ትቀዌት እትዩ እብ ድንጋጽ ልብዩ ጋይስ ዐሊ..ገሌ ምሲበት ለጀሬት እትነ መስሌኒ፡ እሊ ክሉ ብካይ ጀላብ እሊ ድግለል ቱ፡ ምን ኣመረ ህዩ ኣነ ምን እመይት ኣክል እሊ ወበኬከኒ ኢመሰለኒ! የለ ትም እንዴ ትቤ ሰከብ ቤለዩ።

ለጀነ ዕንታቱ ኣናቤዕ ሙሉእ እት እንቱ ወኣቫይርለ ሐዘን ሰኒ ዋዴሕ እቱ እት እግል አቡሁ እንዴ አቅመተዩ፤ ሰኒ ኣማንካቱ፡ ክሉ ረእሱ ኣክሉ ይእበኬከ! ኣሰክ መድረሰት እግል ለአብጸሐኒ እብ እዴዬ ታቱ ለቤሌኒ ማህቱ ቱ፡ ህቱቱ ማሚ ምን መሳኒት ሸር እንዴ አሪምኮ ምስል መሳኒት ኬር እግል ኢጊስ ለአድረሴኒ፡ ወህቱቱ ማሚ እግል ሒፈዝ ወእግል እድረስ ለአትናዩቲኒ።

እንተ ህዩ ሚ ዋዴ እግልዬ እንተ? እብ ሰም ሌጠ አቡዬ ዐልከ፡ እንተ አብ ገርብዬ ሌጠ እንተ፡ ህቱ ህዩ አብ ናይ ርሕዬ ዐላ፡ ዮም እግል እብከዩቱ፡ ወእግል ክል ዶል እት እበክዩ እግል እንበር ቱ፡ ህቱቱ ማሚ ለናይ አማን አቡዬ ቤለዩ፡ ወእብ ብካይ ሲቅ ቤሊ..እተ ዶል ለሃቱ ለአብ እበ ዐገቡ ለሸዐረ፡ ወህግያለ ወልዱ ሰኒ ሰበት አሰረት እቱ ለገርቡ ከሸ ወዕንታቱ ኣናቤዕ እግል ለአትቃዋር ሐዘ፡ ..ወእተ ዶሉ እግል ወልዱ እተ ነሕሩ እንዴ ሐቅፈዩ፡ ምነ ምዕል ለህ እንዴ አንበተ ወልዱ ክል ዶል ቅሩቡ ጸብጡ ውብዞሕ እህትማም እት ለሀይቡ አተላለ።

በህል

- ዎሮት ሸዑብ እግል ተኣምር ሐዜከ ምን ገብእ ለአንሳቶም አቅምት።
- ሐት-ሐቲ ዶል ደንጎበ ለመስል እትነ፡ ምናተ ብዳዩት ሐዲሰት ለትገብእ እቱ አውቃት ሰኒ ብዞሕ ቱ።
- ደያታት እምበለ ሕነ ለነህይበንተ ተርጀመት ካልእ ተርጀመት አለበን።
- ሐቲ ገበይ ውላድ ኣደሚ እብ ክሱሰክ እብ ኬር ክም ለሀድጎ ለትወዴ እቤ፡ እንተ እት ዐመል ኬር ዶል ትትፈረር ሌጠቱ።

መዕሉመት

ኣዜ ቅሩብ ለትወለደ ጀኔታይ እብ ምግባይ ወግም ዲብ ቀበት ሐቲ ምዕል ሐድ 113 ደቂቀት ለገብእ ወቅት በኬ..ወለእሉ ልክዔ ኣናቤዕ እግል ረዓዩት ዓፍዩቱ ብዝሕት ሰዓይት ገብእ።

ዝበድ ዛያታት

ወቅት ለናይ ሐያትከ ዕምለት (ሰላዲ) ቱ፡ ለሐቲ እት እዴከ ለህሌት ዕምለት ህቱ ሌጠ ቱ፡ ላመ እብ እሰወ ገበይ እግል ትትሸረፍ ክም ብእተ ለለሐድድ እንተ ሌጠ ቱ። ከሕሳብከ ውዴ ወብዞሕ ተደገግ እሉ፡ ብዕዳም እግል ልሰርፉ እትከ በክት ኢተህቡ።

## ነሲሐት

ናይ ደንጎበ እሕሳእዩት ክመ ልብላሁ፡ ምን 40% ወለዐል ለገቦኣ ምነ እብ ሞባይል ለልትነፍያ አንፋር፡ ለተለፎናቶም እተ መተርእሶም ለአዝሞ ምን፡ ምናተ ክመ ፎክሰ ንዩዝ ለልትበህል ዌብ ሳይት ለሀበዩ ሐብረ፡ ተለፎንከ እተ ዐራትከ እግል ኢትሕደገ ልመንዖ፡ የም አለቦም ናይ ዓፍዩት ተሕዚራት ወመሰምስ ህለው ከምኖም እሊ ተሌ ንርኡ፤

- ምስምስ እሳት (ነድ) እግል ትግበእ ትቀድር፡

የም አለቦም ምስምሳሆም ከሪ ተለፎን እት ሐን መከደት ላቶም ናይ እሰት ነድ ህለው፡ ወካሰተን ህዩ ለተለፎን እት ሻሕን (ቻርጀር) እስርት ህሌት ምን ገብእ፡ ምስምስ እግል ነድ እሳት ትገብእ፡ እሊ ጋር እሊ ብዞሕ ዶል ለልትርኤመ ኢልግበእ እት ኢኮን፡ ህቱዲ ምነ መከደት እንዴ አንበተ ኣሰክ ክሎም እተ ባክ ለህለው ሓጃት እግል ለአንድድ ሰብብ ገብእ።

- ኣቢ ሰካብ

ናይ ሞባይል ተለፎናት ልግቦኣ መዓመተን ብዕዳም ናይ ቴክኖልጂ አጅህዘት ክም ከሪ ተለፍዝዮን፡ ጌረማኒ እንጭሮርሓይ ለትትበህል በርህት ለአፈግር፡ ከእለ በርህት እለ በርህት እለ ህዩ እግል ህርጋቱ ለሰብብ “ሚላቶኒን” ለልትበህል

ምን አምሳላት ገባይል

- “ውቁል እት እንተ ትደሀር፡ እብ ልባብ ተዓመል፡ እት ወቅት ደቅብከ ዕደል ወሒለት እት ብከ ዓፈ።” (ዐረብ)
- “ዕልም ምን ሰቡ ንስእዎ ወልባብ ምን ለቢባም።” (እንግሊዝ)
- “እሲት አውመ ተሐክም አውመ ትከድም።” (ግሪክ)

ተበሰም

ዎሮት ነፈር ሐመ፡ ሐር እግል ልዕዶዱ እንዴ ቤለው ብዝሓም መሳኒቱ ወፈተቹ መጽአው፡ እሉም ማጽአሙ ለዐለው ለጀማዬዕ ምስሉ ጉሱያም እት እንቶም ወእት ለአትሃጃኩ እግል ወቅት ሰኒ ረዩም ዶል ጸንሐው፡ ህቱ ህዩ ምስለ ተዐብለ ገርቡ መትሐማሎም አበ ሰኒ መሸገ ምኖም፡ ህቶም ላተ ለሓለቱ ልብ ምን ኢከረው እለ፡ ምን ምትክራሩ እብ ብጣሩ እንዴ ገብኣ ለመከደቱ ነስኣ ወምነ ቤት እንዴ ፈግረ፤ የሀው የሀው..እሊ ሕሙምኩም ግድም ረቢ ሻፍሁ ሀለ ቤለዮም።

ዎሮት ነፈር ሐመ፡ ሐር እግል ልዕዶዱ እንዴ ቤለው ብዝሓም መሳኒቱ ወፈተቹ መጽአው፡ እሉም ማጽአሙ ለዐለው ለጀማዬዕ ምስሉ ጉሱያም እት እንቶም ወእት ለአትሃጃኩ እግል ወቅት ሰኒ ረዩም ዶል ጸንሐው፡ ህቱ ህዩ ምስለ ተዐብለ ገርቡ መትሐማሎም አበ ሰኒ መሸገ ምኖም፡ ህቶም ላተ ለሓለቱ ልብ ምን ኢከረው እለ፡ ምነ ምትክራሩ እብ ብጣሩ እንዴ ገብኣ ለመከደቱ ነስኣ ወምነ ቤት እንዴ ፈግረ፤ የሀው የሀው..እሊ ሕሙምኩም ግድም ረቢ ሻፍሁ ሀለ ቤለዮም።



በህል እ'ሙራም

- “ዎሮት ፈሪቅ እተ ኣሰሰ እቱ ወቅት፡ ኣነ ክል ዶል ዐውቱ ለፊቱ አንፋር እሉም ሐረ፡ ከዎሮትመ ምኖም ኢረከብኮ ምን ገብእ፡ ሀዚመት ለኢፈቱ አንፋር እሉም ሐዜ።” (ሮስ ብሮት)
- “እት ቀዳሚቱ ለትመለከ ሓሪቱመ ምን እዴሁ ኢትፈግር፡ ወእት ሓድረቱ ለትሐከመ እተ ክምስልህ ቀዳሚቱመ እት እዴሁ ቱ፡ ወድ ኣደሚ ለዎሮት ለሐቲ እንዴ ኢለኣነትጅ ለለኣሰተህልክ መክሉቅ ቱ፡ ህቱ ሐሊብ ኢልትሐለብ ወእንቅቅሖ ኢወልድ፡ ወንዌ እንዴ ጸብጠ ኣሰረ እግል ልግበእመ ዐደድ እለ ሐሊት አለቡ፡ ወእንዴ ሰዓመ መንተሌ እበ እንዴ ዐረ እለ ኢጸብዋ፡ ወምስል እሊ ክሉ ህቱ መንበ ክሎም ሔዋናት ቱ።” (ጆርጅ አሬል)

ጣዓሞ

ኣዲሶን ሰኒ ሸቅል ፈቱ ሰበት ነብረ፡ ሸቅል እትለ ረክብ እቱ ወቅት ምን ቅያስ ወለዐል ፈሬሕ ወልትለወቅ ነብረ፡ ወእተ ኣካንለ ተጃርቡ (ላባራቶሪ) ብዞሕ ወቅት ለሓልፍ ሰበት ዐላ፡ እሊ ህዩ እግል እሲቱ ብዞሕ መሻቀለት ወዴ እተ ዐላ፡ ሐር ሐቲ ምዕል እሊ ግር እሊ ምን ቅያስ ወለዐል ሰበት ወደዩ፡ በህለት ኣዲሶን እተ ኣካንለ ተጃርቡ ክም አተ ክሉ ረእሱ እንዴ ኢፈግር ምነ ወዐለ፡ ከዲቡ ውዕል እንዴ ዐለ ክም ዔረ እሲቱ ሰኒ ጨጭ ትቤ እቱ፡ ኣምዕል እብ ግዲደ ዲቡ ወዐልከ ሚ ሓለት ተ እሉ፡ ኣዜ ከላሰ ቅሩብ ራሐት እግል ትንሰእ ለአትሐዜከ ሰበት ሀለ እጃዘት እግል ትንሰእ ቱ ቴለቱ። ህቱ ህዩ፤ ከእጃዘት ነስኣኮ ምን ገብእ ኣየ እግል ኢጊሱቱ እት ልብል ትሰእለዩ፤ ህተ ህዩ እተ እለ ትፈቱ ወእግል ቲጊሰ ለትምኒ ኣካን ትገይስ ወእተ ተዓርፍ ቴለቱ። ኣዲሶን ህዩ፡ ከላሰ እለ ምን ገብእ ኣሰከ እግል ኢጊሱቱ ቤለዩ ወእተ ዶሉ ኣሰክለ ላብራቶሪሁ ዐቅበለ።

ሐቲ ምዕል ህዩ ዎሮት ሰሐፊ ምስል እሊ በዐል ኣልፍ እክትሻፍ ላቱ ዓልም መቃበለት እግል ሊዴ እንዴ ቤለ ጌሰዩ፡ እሊ ዐቢ ዓልም ህዩ አበ እሉ ወሐቲመ እግል ልትሃገዩ ኢቀድረ። ለሰሐፊ ህዩ እለ ክም ጀሬት እቱ፡ ምዕል ሓሪት ድግም ረያም ምስል “ለዐበ ሚህዛይ ናይ እለ እዲነ” እት ሐንለ ልብል ኣርእሰ፡ ረያም መቃበለት ኣፍገረ፡ ህቱ ህዩ እለ መቃበልት እለ ክም ረኣ፡ እንዴ አተሰለ እቱ “ለዐበ ሚህዛይ ዲብ እለ እዲነ እንታቱ እት ኢኮን ኣነ ኢኮን” ቤለዩ።





# አደወሮት ክታብ ተአሪክ ሐያት መርሐም፡ ፈናን አልአሚን ዓብደለጢፍ

ዮም 27/2/019 ሳዐት 6፡ 00 ናይ ምሴ እግል አደወሮት እብ ክሱሰ ፈናን፡ መርሐም አልአሚን ዓብደለጢፍ ፡ እብ ሰሕፊ መሕሙድ ዓብደለ (አቡክፋሕ) ለትኩተብ ክታብ እግል እት ዓቃት ጃነር ክልብ ጅምዓም ዐልነ። እተ መነሰበት ብዝሓም ፈናንን ወእት ፈን ለለትሐሰሮ አንፋር ሹርካም ዐለው። መመቅረሕይ ናይለ በርንምጅ ለዐለ ሰሕፊ ሽሃብ አርአየ ወ ኬትባይ ክታብ ተአሪክ ሐያት መርሐም፡ ፈናን አልአሚን ዐብደለጢፍ ላቱ ሰሕፊ መሕሙድ ዓብደለ (አቡክፋሕ ) በርናምጅም እንበተው ።

መሕሙድ አወል ለክታብ እሊ እግል ልክተብ ለደረከዩ ሰብብ ሸርሐ፡ ምኑ እንዴ አትለ ህዩ ለክታብ እግል ለአዳሌ ልሰደፈዩ መታክል ወከበደት ሸርሐ።

“እሊ ክታብ እግል እክተብ ለደረከኒ ሰብብ ብዝሓም ሰብ አምር ወመቅደረት ተአሪኩም እንዴ ኢልትወሰቅ መይቶ ሰበት ሀለው፡ ወፍጅር እምበል መርጀዕ እንተርፍ ሰበት ሀሌነቱ። ከአነ እብ ቅድረቼ ለበርናምጅ እሊ እግል አንብቱ ሰተት። እብ ተአሪክ ምን ክም አንብትመ ኢበደ ምንዩ ። ተአሪክ እሰታዝ አልአሚን ሐፊት። አነ ቀደም እሊ ክታብ አንብት ምስል መርሐም ብዞሕ አምረት ይዐለት እግልዬ፡ ላኪን ተአሪኩ ወሸቅሉ እግል እወሰቅ ሰበት ሐደድኮ ምስሉ ተአመርኮ ወለፈክረት አሰልልክዎ። ህቱመ እብ ፈርሐት ወጽ ፋርሕ ትከበቱ። ወምስሉ እት እትፋህም ሸቅልዬ አንበትኮ ወአሰክ ኣክረቱ ምስሉ እት እትፋህም አትመምክህ። ለለአትፈክር አልአሚን ክታብዬ ሐቆ አትመምኮ ሐቆ ክልኤ ሳምን ትረሐመ። ተአሪክ ሐያት አዳም እግል ትክተብ ሰኒ ክቡድ ክምቱ እት አምር አቱኮ እቱ። እግል በክቼ ላኪን ለእቡ እከትብ ዐልኮ ነፈር፡ መጦርዬ ሰበት ዐሉ፡ ለሸቅል እግል አትቀለሎት ተረቱ ሰኒ ዐባይ ዐለት።”ልብል ኬትባይ ማሕሙድ ዐብደለ

መርሐምአልአሚን ዐብደለጢፍ እት ሰነት 1939 ምን አቡሁ አሰይድ ዐብደለጢፍ ማሕሙድ ወእሙ አሰይደ ራዩት እድሪስ ማሕሙድ እት መዲነት ግንደዕ ክም ወለደ፡ ወወድ ክልኤ ሰነት እት እንቱ፡ አቡሁ እት መአሰሰት ዓፍዩት ሸቂ ሰበት ዐሉ፡ አሰክ መዲነት አሰመረ ክም ገዐዘው ወእት አባሻውል ክም ዐበ እተ ክታብ ሸርሕ ሀለ።

እብ ጽበዋለ ክታብመ ኬትባይ ሱረት ታመት ሀቤነ። ለክታብ እሊ ተአሪክ ሐያት ወሸቅል ፈን መርሐም ፈናን ወእሰታዝ አልአሚን ክም ከምክም ወድሐ እግል። አልአሚን ምን መአሰሰት ፈርቀት ፈን አሰመረ ምንመ

ኢተን ላኪን ምን ሐቆ ተአንበተት እብ መዕጸም ለሸቀው እተ ወለ አረሸደወ ክምቱ ኬትባይ ወእግል አልአሚን ሰኒ ለለአሙሩ ሸርሐው። እምበል እሊመ እሰታዝ አልአሚን ምር ምን ሕላይ ትግራት እት ዘመናይ ሙሲቃት እንዴ አተው ለሐለውቱ።

እብ ፍንቱይ አሰይድ አሰመርም ሃይሌማርያም ክእነ ቤለ፦

“አልአሚን ወእነ እት አባሻውል ግዋሬ ሰበት ዐልነ ምስል ዐቤነ፡ ሐነ ቤትነ ምተሐቶም ዐለት ወህቶም ምለዐሌን ዐለው። እተ ወቀት ለሀይ አነ ደረሳይ ዐልኮ ወአልአሚን እት መድረሰት ጃልዩት ሙደርሰ ዐሉ፡ አልአሚን ምን ንእሹ ሰበት ዩተመ ሐያት እብክሉ አንክራተ ረአዩ። ላኪን ኢሀርበ ምን ጋብሀዩ። አነመ እት ፍርቀት ፈን አሰመረ ክም ሙመስል አቲ ዐልኮ። አልአሚን ፈናን ሌጠ ኢኮን፡ አልአሚን ሲዮሲ ብሹል ክም ዐለ ፡ ናይለ ወቀት ለሀይ ሕላዩ ወመበዋሩ ለአርኤከ ። እተክምሰልሁመ አልአሚን ሰጅዕ ቱ። ህቱ እብ ክልኤ ሴምዐት ብዝሓም ለበን ህግዩ በሀለት ትግሬ ወትግርንዩ ለሐሌ ሰበት ዐሉ፡ አንዝመት አቶብዩ እብ ዕን ሸክ ወእኪት ልርእዉ ዐለው። ምን አሳስ እሊ ህዩ ሰለሰ መረት እብ ሸክ ሲዮሰት ሰጃንቱ”

ሐቆ እሊ ምን ሐልዩቱ፡ ‘ዐባይ አባሻውል’ ፡ ‘ትሕለፈኒቱ ገብእ፡ ‘ሰብ ንኩብዱ ዋራይ ኣይኮነን ዝነብር’ ወካትም ሕጼ ለልብለ እብ ገበይ ሸዕር ትቀርእዩ ወእብ ሕላይመ መተንሰዩት ክም ልሰናጦን ገብአ። ናይ አማን ሕላይ ፈናን፡ መርሐም አልአሚን ትሩድ ክምቱ ወእብ ሸዑር ሸቂይ ክምቱ ወለ አዜ እትሊ ዘበን እሊ ምን ሰምዑ ናይለ ሐልፈ ዘመን እኩይ ወሰኒ ክም ሱረት ለለአርኤቱ።

መሻርኮት ለትፈነተ አረእ ወሰአላት ቀደመው ወበሊሰ እብ ኬትባይ ተህየበዮም ። ለበዝሐ ረአይ ህዩ ክእነ መሕሙድ ለነሰአዩ ምስዳር እብ ብዝሓም ኬትበት እግል ትትነሰእ ወሰብ ተአሪክ ምስል ተአሪኩም በደል ልትቀበሮ ተአሪኩም እግል ልትወሰቅ ቱ ልብል ለዐለ።

ክታብ ተአሪክ ሐያት ፈናን፡ መርሐም አልአሚን ዐብደለጢፍ ምን ዐረብ እት ትግሬ ልተርጀም ወእብ ክፋል- ክፋል እት ጀሪደት ‘ኤርትራዩ ሐዳስ’ ፈግር ክም ሀለ ወእት ትግርንዩመ እብ ሰሕፊ ዓብደልቃድር አሕመድ ልተርጀም ክም ሀለ ትወድሐ።

እተ ወቅት ለሀይ ክም ሕላዩት ሌጠ ትትርኤ ለዐለት፡ ላኪን አፍክር መስኡሊን አቶብዩ ወካይናም ውላድ ዐድ እግል ተቅይር ለቀድረት ሕላዩት ፦

‘ሰብ ንኩብዱ ዋራይ ኣይኮነን

ዝነብር’

እለ ሕለዩት እብ ቅሰም ተሰይሕ (ሳንሱር) ሓልፈት ምንመ ይዐለት እግለ ለትገብእ መነሰበት ሰበት ትረከበት ፡ እግል ትትሐሌ መስኡሊን መ. ተ.አ ቀረረው ። ፈናናመ አለሚን እብ ሰጃዐት ሐለዩ። እት ብዝሓም ሰብ ሰልጠት ወካይነን ውላድ ዐድ ለዐለው እቱ ዳሴ፡ አልአሚን ልባሰ ረማቅ እንዴ ለብሰ ወሸራፍ ቅጪ እንዴ ጸብጠ እብ ኩብድ ለትሐምግ ወመራነት ለተሀርሰ ክርንቱ ሐለዩ። ለኒገር እሊ እግል መስኡሊን አቶብዩ ወጀዋሲሰ ላቶም ሴድዩቱ ከሰሰ ዐለ።

አደም እግል ክብዱ ሌጠ ኢነብር

እግል ልሕሰብ ቡ ወልፈክር እት ልብል እብ ህግዩ ትግርንዩ ሕሚቱ አሰመዐዮም።

ለህዩብ ዐለ ወቅት ሰበት ተመ ለአዳዋር እት ነሐሰዝዩ ተመ ምን እነ ።ከእለ ናይለ ወቅት ለህተ ተሐሌት እቱ፡ ለዐለ ምር ወኢመትወጣይ ሲዮሰት ለትሸርሕ “ትሕለፈኒቱ ገብእ ለትብል ሕላዩት እበህ ምን ክታብ እግል ንክረዩ እግልኩም አዳዉረ ወክርንክም ምን ሰዴኩም ሕለው፦

## ትሕለፈኒቱ ገብእ?

እላመ ትሕለፈኒቱ ገብእ ወቀበት ንሳቼ እትገሴ(2) ምን እበቅዕ እትሃጌ ወምን ይአምር አተንሴ

ተሐልፈኒ ዲብ እብል ወዲብ አተንሴ ሐሊፍ አቤት እድንዩ ወአቤት ትሰኔ

ተሐልፈኒ ዲብ እብል ወአተንሴ ሐሊፍ አቤት እድንዩ ወአቤት ትሰኔ

ተሐልፈኒ ዲብ እብል ወአተንሴ ሐሊፍ አቤት እድንዩ ወአቤት ትሰኔ ምን እለ ተአኬ ኢተአምጽእ ሞላይ እዋን አሰኔ

እላመ ትሕለፈኒቱ ገብእ ወቀበት ንሳቼ እትገሴ(2) ምን እበቅዕ እትሃጌ ወምን ይአምር አተንሴ

ተሐልፈኒ ዲብ እብል ወዲብ አሰብር ተሐልፈኒ ዲብ እብል ወዲብ አሰብር

ቅጪ ነሸፈት ምስል ማይ ዲብ እካሰር

ቅጪ ነሸፈት ምስል ማይ ዲብ እካሰር

## ምን ደያሪ

### ጠቢዐትቹ

ዮም 31/1/019 አሰመረ

ከፎ አምሴኪ ኢበለኪ መከሮ ወዐልኪ? መክፎ አጽበኪ ኢበለኪ መክፎ ትመዩኪ. . . . ሚ ኢበለኪ? ፋጅእኮኪ መስለኒ ደያሪዬ? ወለሂ ዐደድጃ ቱ፡ ክሉ ትለክመ ዲብዬ ምድር ላሊ ክም ሀለ እርእዩ ህሌኮ ሰበት እሊ ከፎ አምሴኪ ወእቤለኪ፡ አነ ላኪን ጠቢዐትቹ እንዴ ይእፈጥን ወይእቀይር እት ጠቢዐት ላሊ ወአምዕል እግል እትፈላሰፍ ራትዕ ኢመስል ዲብዬ። ብኪይ ብኪይ መጸኒ ሀለ ። ላኪን እንዴ በኬኮ ህዩ ምን እሊ ሓሰለት እትቼ ህሌት ሓለት እትባለሕ? ከንዶእ!

ለሐሰቡ ወለእብሉ በንብን ገብአ ፡ ነቢርዬ እግል ብዕዳም ገብኢ፡ ለእፈትዩ በደል እብል አዳም ለፈትዩ እብል፡ ክእነ ላኪን አሰክ ሚዶል ? ደያሪዬ ዮም አሰብሕ እት እትፈረር ሚ ጅንሰ መጃል ድራሰት ክም ሐፊ ወእት አዩ ክም አደምዕ እንዴ ሐደድኮ ጋይሰት ዐልኮ፡ ላኪን እት ገበይ ወእቱ ንሰጀል መክተብ ክም በጽሐኮ ሰነይዬ ወ መደርሲንዩ ለቤለውኒቱ መጃል ሐፊት ። እግልሚ? ? ? ክም ይአደምዕ እቱ እት አምር? እሊ ናዩ ሚልትበህል። አፍ!!!

! ደያርዬ ምን ዮም ወሐር ላኪን ክእነ አለቡ አትመምኮ። ግጊለ ክቱብዬ እብ ሸዕር እግል አትምሙቱ ምንአመረ እብ ሸዕር ምን ልትፈሀመኒ ፦

ዕንታትቹ ቅሙጭ ወደሚርዬ ፋዝዕ በራዬ ሰኒ ወጅዋዬ ጸልዕ አሰክ ሚዶል ላኪን እት ሐብዕ እት እትበለዕ፡ መስለኒ ዐለ እበልዕ ወእት እመስል፡ መስለኒ ዐለ እዋርዕ

አፍ ጸቢብ ወኩብድ ራሓብ ክምለ ልትበህል ለይእቅድሩ ፡እግል ሚ እትሐመል ወእንዴ እርኤ እግልሚ እትሀመል ወእግልሚ እነብር እግል ይትበህል በህል ክም ለሐልፍ እንዴ አምር እግል ሕርዮት ብዕዳም እግልሚ ሕርዮትቹ ሓርር ወእብ ዐውልዬ እግል ብዕዳም አነብር ?

ምንኮርተ እለ! ከራይ ዕሸር አድግ ለህልለ ለእብ ላባም እት አምሳል ትበህለ ዮም እብ ፍዕል ዲብዬ ለሐሰል ሀለ ምን ዮም ጠቢዐት እግል እቅይር ብስምለ

ልባሰዬ ሩቆዕ ድርዕቶ ዐውረት ሰትር ልባሰዬ ሩቆዕ ድርዕቶ ዐውረት ሰትር

እገርዩ እበ ሓፋሁ አድማይ ጨርር ሐሊፍ አቤት እድንዩ የሀው ሚ እባሰር

እላመ ትሕለፈኒቱ ገብእ ወቀበት ንሳቼ እትገሴ(2) ምን እበቅዕ እትሃጌ ወምን ይአምር አተንሴ

ተሐልፈኒ ዲብ እብል ተሐልፈኒ ሐሊፍ አቤት እድንዩ ወአቤተኒ እግል ይእሸጌ ገምበልዬ ትጸረፈኒ እግል ይእሸጌ ገምበልዬ ትጸረፈኒ

ወድ ምን እንተ ወሚብከ መጽተኒ ወድ ምን እንተ ወሚብከ መጽተኒ እዘም እዩ ወእጀመል እዚም ለሐይሰኒ

እላመ ትሕለፈኒቱ ገብእ

ወቀበት ንሳቼ እትገሴ(2) ምን እበቅዕ እትሃጌ ወምን ይአምር አተንሴ

ጸላምተ እድንዩ ምን በዲር ጸላምተ እድንዩ ምን በዲር ሰርነ ዋዑም በልዕ ወሰርነ መሪር ሰርነ ዋዑም በልዕ ወሰርነ መሪር


ሰርነ ለብስ ድርዕቶ ወሰርነ ሐሪር ሰርነ ለብስ ድርዕቶ ወሰርነ ሐሪር

ሰርነ ልትዕብ ወልትጀረሰ ሓዚ ነቢር

ሰርነ እብ ግሳዩ በልዕ ምን ኢጸቢር ሰርነ እብ ግሳዩ በልዕ ምን ኢጸቢር

እዘም እዩ እብ ዲደቼ እዚም ለሐይሰ ወሰቲር እላመ ትሕለፈኒቱ ገብእ ወቀበት ንሳቼ እትገሴ(2) ምን እበቅዕ እትሃጌ ወምን ይአምር አተንሴ





## ፈሪቅ ዐጀላት ኤረትሮፕ እት ጅግረ አፍሪቀ እግል ልሻርክ አዲስ አበባ አተ

ምን መፈውድየት ዓዳት ወርያደት ኤረትሮፕ እት ዓመት ወእብ ፍንቱይ ምን ፈደራሽን ዐጀላት ኤረትሮፕ ለትረከበት ሐብረ ክምሰለ ተአክዱ፡ ክል ሰነት ለገብእ ጅግረ ዐጀላት አፍሪቀ እቱ እግል ልሻርክ አዲስ አበባ ክም አተ ወደሐት።

እሊ ምን ዮም 14 አሰክ 20 ማርሰ ለገብእ ጅግረ ዐጀላት አፍሪቀ እቱ ኤረትሮፕ እንዴ ወከለው ሻርኩ ለህለው መትጃግረት እት ሰለሰ ፈሪቅ ለትካፊለው እት ገብአ ምን

ፈሪቅ ዐበዩ ሸባብ ወአንሳት ቱ። ኤረትሮፕ እንዴ ወከለው እት ፈሪቅ ጅግረ ዐጀላት ዐባዩ ለሻርኩ መትጃግረት መርሃዊ ቅዱሴአማንኤል ገብረእገጋብሄር፡ ዳንኤል ተክሌሃይማኖት ወመክሰብ ደበሳይ እት ገብአ፡ እት ናይ ሸባብ መትጃግረት ህዩ፡ ሄኖክ ሙሉአብርሃን፡ ቢንያም ግርማይ፡ ሲራክ ተሰፎም፡ ሚሮን ቱሾሚ፡ ዳንኤል ሃብቱሚካኤል ያቀብ ደበሳይ ወሚካኤል ሃብቱም ቶም። እት ፈሪቅ አንሳት ዐባዩ

ህዩ፡ ደሴት ክዳኔ፡ ሞሳና ደበሳይ፡ አድያም ተሰፊአለም፡ ዝናብ ፍጹም፡ ትዕግስቲ ገብራሂወት ወብሰራት ገብራመስቀል እት ገብአ፡ እት ናይ ሻባት ህዩ ደናይት ጸጋይ፡ ዳናይት ማሪቀሴ፡ ዮርዳኖስ ርእሶም፡ ወብርክቲ ፍሰሃዬ ቶም። እሎም መጃግረት እሎም እት ናይ ወክድ ፈርድ ወጽርግዩ ጅግራታት እግል ልሻርኩ ቱ። ክምሰለ ልትአመር ፈሪቅ ዐጀላት ኤረትሮፕ እት ገብአ ጅግረ ርዋንደ እብ ደረጀት ፈሪቅ 1ይ ፋግር ክም ዐለ ልትአመር።

## ህዝቅያስ እት ፓሪስ ተዐወተ

እት ዮም 10 ማርሰ ሰንበት ዐባይ እት ፈረንሳ ፓሊስ ለገብእ ጅግረ ሰር መራቶን እቱ አትሌት ህዝቅኤል ተወልዴ ተዐወተ። እት እግል 27 ኢንቱ ለገብእ the Harmonie Mutuelle semi de paris ለልትቢህል ጅግረ ሰር መራቶን እቱ እብ ሳዐት፡ 4 ደቂቀት፡ ወ 20 ካልኢት እብ ከጥ ዐውቱ እንዴ ኬደ 1ይ ፈግረ።

ወድ አቶብዩ ደፊረ ሁሪሳ እብ 28 ካልኢት እንዴ ተአከረ ምኑ 2ይ ፈግር እት ህለ፡ ወድ ፈረንሳ ፍሊራን ካሻሎ ህዩ እብ 5 ደቂቀት ወ47 ካልኢት እንዴ ተአከረ ምኑ 3ይ ፈግረ።

እት ናይ ጅግረ አንሳት ህዩ አትሌት ናንሲ ኪፕሮፕ ወሊድዩ ማታቲ ምን ኬንዩ 1ይት ወ2ይት ፈግረዩ።

## ሚ ልትቢህል ህለ

ናይ ዶሉ መደርብ ፈሪቅ ማንዩናይትድ አሌ ገኔር ሶልቬር፡ ክርሲ መደርብል ፈሪቅ እንዴ ወርሰ እብ ረስሚ እግል ልሸቄ ክም ቀድር ልትሸረሕ ህለ።

ምስል መስኡሊነ ፈሪቅ መፋህመት ለወደ ሶልቬር ሰር ለእብ ናይ በዲር መደርብል ፈሪቅ ለዐለ መሪኖ እት ነስእ እት ሚዳን አልትራፎልድ እግል ልጽነሕ ክም ቀድር ልትሸረሕ። ጀሪዶት ሚሮር ጥሪኖ 15 ሚልዮን ፓውንድ ነስእ ክምስል ዐለ ተሐብር።

እሊ ክእነ እት ህለ ማሌ እብ ረስሚ እት ማድሪድ እብ መስኡሊን ወመሰጅዒን ፈሪቅ ርያል ማድሪድ እግል ካልእ ዶሉ ክም መደርብ

ፈሪቅ ርያል ማድሪድ እንዴ ገብአ ፌርመቱ ለከረ ዜኔዲን ዚዳን ከብቱ ናይረት ገብአት እግሉ።

ህቱ እት መናሰበት ለአስመዐዩ ከሊመት ዶል እንርኤ፡ አነ እሊ ፈሪቅ እሊ ሰበት እፈትዩ እብ መስኡሊ ላቱ ፍራንቲኖ ቤረዝ ለትቀደመት እቹ ሊክ እንዴ ትከበትት ሰሜቱ እግል እርፈዕ ማጽእ ህሊኑ፡ በዲር ወክድ ለእቱ እገይሰ ሰበት ተምመ ግረለ ልትሐዜ ለዐለ ዐውቱታት ሰጅልነ እግል ብዕዳም ለአካን ጥሉቀ ዐልኩ፡ አዜ ህዩ ለወክድ ሰበት ተምመ ማጽእ ህሊኩ ቤለ ዚነዲን ዚዳን።

ፈሪቅ ርያል ማድሪድ እብ ትሉሉይ ፈሸል ክም ሳደፊዩ

መደርብል ፈሪቅ ለዐለ ሴንትያን ሶላሪ እንዴ ጠርዝ ዜኔዲን ዚዳን አሰክ ሰነት 2022 እፍሩሙ ህለ። ብዝሓም መሐልእን ርያደት ክምሰለ ልቡሉ፡ ፈሪቅ ርያል ማድሪድ ግረ ርናልዶ አካኑ ለደብእ መተልህዩይ ሰበት ይአምጽእ እት ወርጠት ክም ከረ ለአክዶ ምንመ ህለው፡ አዜ ምን ሐዲስ እት ፈሪቅ ማጽእ ለህለ መደርብ ላኪን ሐዳይሰ መተልህዩት እግል ልዛቤ እጁዝ እግሉ ሰበት ህለ ሐቀ ብዙሕ ጅህድ እግል ልትዐወት ቀድር ለልብል ፍክር ህለ እግሎም። ምናተ ለምሽዋር ሰኔ ወአማን ረያም ትመስል ዚዳን እት ከም ክም ልአሳድረ እብ ሕበር እግል ንርአዩ ቱ።

## ሰለስ አትሌታት ኤረትሮፕ እት ጃፓን ተአሂል እግል ልንሰኦ ሄረረው

እት ፍንጌ ፈደራሽን አትሌቲክስ ኤረትሮፕ ወውቁል መሐድ አካዳሚ ርያደት ጃፓን ለገብአት መፋህመት ምን ኤረትሮፕ እንዴ ተሐረው እት መአሰሰት መቅደራቶም እግል ለዓቡ ለልአቀድሮም ድሩስ እግል ልንሰኦ ለትሐረው ሰለስ አትሌታት አሰክ ጃፓን ጌሰው።

እት መናሰበትለ ሰርሐ መፈውድ ዓዳት ወርያደት ሰፊር ዘመዴ ተክሌ እት አስመዐዩ ከሊመት፡ እሊ እት ፍንጌ እትሓድ አትሌቲክስ ዐለም ወኤረትሮፕ ለገብእ መፋህመት መትሰዳዳይ እት ሰነት 2015 ለአንበተት እት ገብእ፡ ምን ወክድ እት ወክድ ዐቦት ተአርኤ ለህሌት ዕላቀት እንዴ ሐመድ፡ እግል ዐቦት መቅደረት ርያድዩን ገብእ ለህለ ጅህድ እት ጌማም እንዴ አተ፡ እሊ አብካት እሊ ረክቦ ለህለው ርያድዩን እብ ዋጅብ እንዴ ትነፍዐው እቡ እግል ርሐም ወዐዶም እግል ለአሰሙ ትፋት።

ለሰለስ ርያድዩን ህቶም ህዩ ዳይሞን ብርሃኔ ወናትናኤል ተወልዴብርሃን ምን አቅሊም ምግብ መርሃዊ ዘርኤሰላሲ ምን አቅሊም ጋሽ በርካ እት ገብእ፡ እሊ ርኩብ ለህለ በክት እት መስተቅበል እግል መትቀዳሞም ወአስመዮት ዐዶም ተረት ውቅል ክም ተህሌ እግሉ አከደው።

ውቅልት አካደምዮት ርያደት ጃፓን፡ (ሴሳግሩ) እት ሰነት 1972 ለትአሰሰት እት ገብእ፡ እት መጃል ርያደት ድሩስ ለትህይብ እግል ምን ምግባይት ደረጀት አሰክ ናይ ጃሚዳት ለልትመደድ እት ገብእ፡ አሰክ እሊ 15.000 ለገብእ አትሌታት እድርሰት ህሊት። ቀደም እላመ ኤረትሮፕ እትለ መድረሰት እሊ 4 አትሌታት እሹርክት ክም ዐለት ልትፈቀድ።

## መጃግረት ፈሪቅ ዐጀላት ኤረትሮፕ እት ተርቲብ ፍረቅ አፍሪቀ ደምቀ

ግረ ወክድ ሕዱድ ምን እት ዱር ርዋንደ ለገብእ ጅግረ ዐጀላት ብዙሕ ጀዋእዝ እንዴ ነስእ ዐዱ ለዐቅበለ ፈሪቅ ኤረትሮፕ፡ እብ ደረጀት ፈርድ ምን መሕበር ዐጀላት ዐለም (UCI) ሰሚት ውቅል ራክባም ህለው።

ምን እሎም ህዩ እት ሰልፍ ለትሰመ መትጃግራይ ወእት ጅግረ ዱር ርዋንደ ለትዐወተ መርሃዊ ቅዱስ እብ ደረጀት ዩ.ሲ.ኣይ እት ፈግረ ተርቲብ ለሕሰት አካን እንዴ ጸብጠ ትረከቡ እሊ ህዩ እት ገብእ ለዐለ ጅግረ ዱር ርዋንደ እት ሰቡዕ መርሐለት 1ይ እንዴ ፈግረ 329 ንቅጠት ሰበት ጀምዓቱ።

እብ ደረጀት ዐለም ወእብ ፍንቱይ ምን ፍረቅ አፍሪቀ እት 1ይ ተርቲብ ምን ህለው መትጃግረት ዳርሊ እምቤዬ ምን እድንያይ ፈሪቅ ሚቶላን ሰኩት 1239 ንቅጠት ለረክበ እት ገብእ፡ እሊ ልተሌ ለህለ ወድ ዐዱ በህለት ግብለት አፍሪቀ ላቱ ረያን ጂቦንዝ እት 3ይ ተርቲብ ልትረከብ ህለ።

ሲራክ ተሰፎም ምን ፈሪቅ ኤረትሮፕ 4ይ ተርቲብ ረክብ እት ህለ፡ እሊ ህዩ እብ 278 ንቅጠት ቱ። 5ይ ተርቲብ ነፈር ፈሪቅ አልጄርዩ ላቱ ዩሰፍ ርጌጊ እንዴ ገብአው ፈግረው። 6ይ ተርቲብ ያቀብ ደበሳይ 201 ንቅጠት እንዴ ረክባ ቱ እሊ ደረጀት እሊ ምን መትጃግረት ፍረቅ አፍሪቀ እግል ልርከብ ለቀድረ።

እብ ደረጀት ፍርቅ ህዩ ምን አፍሪቀ እት 1ይ ተርቲብ ለህለ ፈሪቅ ግብለት አፍሪቀ እት ገብእ፡ እሊ ህዩ እብ 2066 ንቅጠት ቱ። ግራሁ ለፈግረ ፈሪቅ ዐጀላት ኤረትሮፕ ህዩ 1418 ንቅጠት እንዴ ጸብጣ ቱ። ፈሪቅ አልጄርዩ ህዩ እት 3ይ ተርቲብ እብ 866 ንቅጠት ራክብ ህለ።

### ሰርጆ አግዌር ለሕሰ መተልህዩይ ወርሕ ፌብራይር ገብአ

እትሊ ወክድ እሊ፡ ምስል ፈሪቅ ማንሲቲ ሚርሒት ፕሪመርሊግ ወሀዳፌንሊ ሊግ ጸብጥ ለህለ ሰርጆ አግዌር እት ክል ወርሕ ለትትህዩብ ጃእዘት መሕበር ኩረት እግር እንግሊዝ ናይ ወርሕ ፌብራይር ናሰእ ህለ። ህቱ እሊ ጃእዘት እሊ እግል ልንሰኦ ለቀድረ እት ሐልፈ ወርሕ 7 ሰበት ሰጅላቱ። ህቱ እምበል እሊመ እሊ ጃእዘት እሊ እግል 5 ዶሉ ነስእ ለዐለ እት ገብእ፡ እብ ዓመት እግል ሰስ ዶሉ ስሙይ እት ህለ። እብል ፍገራት እሊ ህዩ ምስል ጄራርድ ወሄሪ ኬይን ሰወይ ህለ።

## ደህይ ፕሪመርሊግ እት 30 መርሐለቱ

ጅግረ ፕሪመርሊግ እንግሊዝ እግል ልትመም 8 መርሐለት እት ታርፍ እቱ ለህለ ወክድ፡ እት 30 ሳምንቱ፡ እት ሚርሒት ለህለ ፈሪቅ ማን ሲቲ አዜመ ንቅጥ ሰበት ይአብደ፡ ሚርሒት ሕሳለ ጅግረ እንዴ ሐጠጠ ጸብጡ ህለ፡ እሊ ህዩ ምስል ፈሪቅ ዋት ፎርድ እት ወደዩ ትልህዩ፡ እብ ሃትሪ ስተርሊን 3 እብ 1 እንዴ

ቀልባቱ። ልተለዩ ለህለ ፈሪቅ ሊቨርፑልመ እግል ፈሪቅ ብሩኔይ እብ ያለጢፍ 4 እብ 2 ሰበት ቀልቤ፡ እት ፍንጌሁ ወፍንጌ ማንሲቲ ለህለ ጅግረ እድቁብ ልትረከቡሊቨርፑል ለእግል አውርሐት ብዙሕ ጸብተ ለዐለ ሚርሒት እብ ሀመሌ ናሱ ምን እዴሁ ሰበት ገሌት ክል ዶል ጨብጭቡ ለህሌት ሸልዐት

ጋብአት እቱ ሰበት ህሌት ለትመጽእ ሳምንመ ወቀይ ብሩድ ልጸበሩ ይህለ።

እምበል እሊመ እት ዮም ሰንበት ንኢሽ ለገብአት ጅግረ ፕሪመርሊግ ዶል እንርኤ ብራይቶን እግል ክሪስታል ፓላስ 2 እብ 1፡ ሌስተር ሲቲ እግል ፋልሃም 3 እብ 1፡ ኒውካስል እግል ኤቨርቶን 3 እብ 2 ሳውዝምፕቶን እግል ቶተንሃም 2 እብ 1፡ ካርዲፍሲቲ እግል ዌስሃም 2 እብ 0፡ ቦርንማውዝ እግል ሄደርስፊልድ 2 እብ 0 ወማንሲቲ እግል ዋትፎርድ 3 እብ 1 ቃልባሞም ዐለው።

እት ናይ ሰንበት ዐባይ ትልህዩ ህዩ፡ ፈሪቅ ሊቨርፑል እግል ብሩኔይ 4 እብ 2፡ ፈሪቅ ቼልሲ ወ ፈሪቅ ዎልቭ 1 እብ 1፡ ፈሪቅ አርሰናል ህዩ እግል ፈሪቅ ማን ዩናይትድ 2 እብ 0 አድመዐው።







## ሸቦር ንዳል ወወቀይ አዋልድ አንሳት

ፍቱያም አውኪር ዲብ ዐድነ ብዝሓም ሔልየት ህለው ወዐለው። ሐቲ ምኖም ምሔርባይት እምነ ዜነብ ያሲን ተ። መርሐመት ሔልያይት ዜነብ ያሲን እብ ንዳል ወወቀይ አዋልድ አንሳት ትትሐበን ወትትዐጀብ ሰበት ዐለት እት መደት ንዳል ክእነ እት ትብል ሐሌተን ተ።

አነ ሚ ኢደየ ወለት አዜ ቤተ ሹቅልት ሐድገት እት ትትዐፊ።

ጅናህ ሐድገት እንዴ በኬ ሕጹዩ ሐድገት እንዴ ልሰኤ ኤረትርየ ትቤ ወሕርየቼ ኤረትርየ ዐባይ ኢትትነሴ አነ ሚ ኢደየ እለ ወለት ኤረትርየ ትቤ ከናደለት ወለት አንሳይት ፈግረት ምነ ቤተ

ኤረትርየ ትቤ ልብዬ ወዕንቼ ተ

ከሌዕ ወሞከሰ ዐለ ለዋከተ ወለት አንሳይት ግንሐ ቢታከተ

## ምን መባልሰ ላባም

- አንፋር ሐዋንያም ስምሐ ኢፈቱ። ሰበቡ ህዩ ስምሐ ወዐፎ ብሂል፡ አደብ ናይለ ሓዋራም ወፊዳብያም አንፋር ሰበት ቱ። (መሕተመ ጋንዲ)
- ዲብ ሐያቱ ካልዋ ለኢለአምር ነፈር፡ ክሉ ረአሱ ሐበት ሻቂ ለኢኮን ክምቱ ልተመር። ሰበቡ ህዩ ለሸቄ ልትጌ፤ ምን ጌጋሁ ህዩ ልትዐለም። (ኤይንሰታይን)
- ገበይ ለውቀት ይህሌት፡ ለወቅት እግል ኖሰ ገበይ ተ። (ቡድህ)
- ትሰደድኮ እንዴ ትቤ ኢትሕሰብ፣ ሰበቡ ህዩ ምህሮ እንዴ ከሰብክ እግል ትርሄቱ። (ብህላየ ለኢተአመረ)
- እብ ትሉሉይ ጀሪመት ለወዴ ነፈር እግል አርወሐቱ ለኢለአምር ወለኢለሐሰብ ቱ። ሰበቡ ህዩ እግል አርወሐቱ ሰኔት ለለሐሰብ እኪት ብዕዳም ኢፈቱ። (ብህላየ ለኢተአምረ)
- ዮም እግል ትውደየ ለትቀድር እግል ፈጅር ኢትክረየ፣ ሰበቡ ህዩ ፈጅር ናይካ ተ ሚ ናይ ጸርከ ሰበት ኢተአምር። (ማርክ ትወይን)
- ክሉ ለትቀርኡ ለነፍዐክ እግል ልግበእ ወጅብ። ሰበቡ ህዩ፡ ደለ ቀርአካሁ እት ሀፎር እግል ልክሬከ ሰበት ቀድር። (ማርክትወይን)
- ጸልዐትከ ትረስዐ፣ ምናተ ረሐመት ኢትትረስዐ። (ኮንፊሾስ)
- እግል ደማካት ብዕዳም ለከድም፡ ደማካት አርወሐቱ እኩድ ክምሰል ህለ እመር ቱ። (ኮንፊሾስ)

## እብ ክሱስ ዐውቴ ለትብህለ ቦህል

- “አነ እቀድር ወእግል እትዐወት ቱ።” በል። ምስጢር ዐውቴ ህዩ እለ ቱ።
- ሕልም ሀወሰ እቱ። ወቀይ ዐውቴ ቱ። ሕልም ለትጀምዐ እቱ ህጅክ ወአንጎጋይ ህዩ ፈሸል ቱ።
- ደማካት ተህሌ እግልከ ወርሕከ እመን። እለ ህዩ አሳሰ ሰርገል ቱ።
- ለጉብኦ ሰርጉል ነፈር እብ ክልኤ ሓጀት ለአምን። ህተን ህዩ መስተቅበልዬ ለሐሰ እግል ልግበእ ቱ፣ አነ ህዩ ኖሼ እት ዐመል እግል እተርጅመቴ።
- እት ዐውቴ ለትነሰእ ገበይ ሕሪት ይህሌት። ሚ ደአም? ስልም ዐውቴ ኖሰክ ትትተልበጡ።
- ሰርገል ንኢሽ እብ ዶለ ዲብ ዐውቴ ትትቀየር። ሰበት እለ፡ ለጉብኦት ምስዳር ዐውል ክምሰል ህለ እግለ ኣምር።
- ለውቀት እግለ ለሓለፍካሁ ቴለል ሰዱድ ዲብ ሰኔት እንዴ ጉብኦከ ዶል ትፈቅዱ በህለት ቱ።
- ሐንገል ወድ-አዳም እግል ሰርገል ሐያት ወዕምር ረዩም ምን ጠቢዐቱ እምበል ዕርፍ ለሸቄ ክልቀት ቱ። እለ ህዩ፡ 24 ሳዐት እት ኣምዕል፡ 365 ኣምዕል እት ሰነት፡ ምን ኣምዕል መትወላድ አሰክ ኣምዕል ሞት ለለአወቄ ክምሰል ቱ። ልብ ካርያም እግሉ ሕነ ጉብእ?
- ዲብ ሐያትከ ዶል ትትሰርገል መልህያምከ ሚ ክምሰል እንተ ለለአምሮ እተ መናሰበት ተ። ዲብ ሐያት ዶል ትትፈለል ላተ፡ እተ ወቅት ለሰዱድ መልህያምከ መን ክምሰል ቶም እንተ ለተአምር ዲብ መናሰበት ተ።
- ሐያት በሐር ተ፡ እበ ትዋዕመክ እግልከ ሐምስ ዲብ ትቀድር።

## መዐሉማት

ባደሺ ለትትብህል ዲብ የባን ለትትረከብ ህግዩ እንዴ በዴት ሰለሰ ነፈር ሌጠ ልትሃገወ ክምሰል ህለው ልትአመር። ሰቡብ በደ ናይ እለ ህግዩ መትሃግዩተ ምስል ብዕዳም ገባይል እት ልትሃደው ወእብ ብዕድ ሀገጊት እት ትትመለክ ሰኒን ሰበት ወዴት፡ ዮመቱ ሰለሰ ደገልል ሌጠ ልትሃገወ ህለው። እሎም ሰለሰ ደገልል ክምሰል ሞተው ለህግዩ ሚ ርኤከ ረአሰ እግል ትግበእ ቱ። ባደሺ ሰኒ ጽንዕት፡ አዳም እብ ቀሊል እግል ልትሃገዩ ለኢቀድር ህግያ ተ። ህግዩ እግል ተህሌ ሐቆ ጉብኦት ምን ግም እት ግም እግል ትትሐላለፍ ለአሰትህል። ለትሰረረተ እግል ትብዴ ትቀድር። ህግዩ ሐቆ በዴት ህዩ ዓዳት ወሀውየት በዴ። እሎም ሐቆ በደው ህዩ ለመጀተመዕ ህለ እግል ልትብህል ኢቀድር። ሐቱ ህግዩ ሞተት እግል ትትብህል ምርት ለቀድረ ነፈር ዶል ተርፍ ቱ። ሰበቡ ህዩ እለ ምርት ነፈር ዲቡ ለሓልፈ ሰበት አለቡ፣ እለ ዶል እለ ሞተት እግል ኒበል እንቀድር።

## ወድ-አዳም ወለኢልትከለሰ ሕልሙ

ዲብ ዘበን ቅዱም ዐለም ክብት ለልብል አፍካር የዐለ። ዲብ ምግባይ ዘመን ገሌ ዑለመእ /ምኤምረት/ ዐለም ክብት ተ ለልብል አፍካር ኣምጸአው። ቀደመ ላቱ ዐለም ኩሉ ጣፍሕ ጋድሞታት ተ እንዴ ትብህለ ልትአመን ዐለ። ሰበት እለ አዳም እብ ምርት እንክር ወእብ ሐቱ ገበይ ረዩም እግል ኢልሳፍር ፈርህ ዐለ። ለተአፈርሆም ዐለት ህዩ እብ ምርት እንክር ትሄርር ወዐልከ ምን ጉብኤ። ጠረፍ ናይለ ምድር /እዲነ/ እግል ትብጽሕ ሰበት ትቀድር እባክ ረአሰከ ኬን እግል ኢትትደርግግ ቱ ለፈርሀቶም።

ወድ አዳም ዲመ ተጃርብ ወሕፍዝ ሰበት ለአትጋይስ እለ እብ ረአየተ ጣፍሐት ትመሰሉ ለህሌት ዐለም ኣክረተ /ጠረፈ/ ዲብ ኢያቱ እግል ለአምር ዲመ ልትሐለም ነብረ። ሰበት እለ ምርት ምነ ኣክረት /ኣክራይ ጠረፍ/ እዲነ እግል ለአምሮ ሰካብ ልሰእኖ ለዐለው ማጃላን ቱ። ሕልሙ እግል ለሐቅቅ ህዩ እብ በሐር ሰፈሩ ኣንበተ። ህቱ ዲብ ሰፈር ምንመ ሞተ ለምሰሉ ብጉሳም ዐለው ብዕዳም ሰብ ጅላብ ለመሰር ዲብ

ኣክረቱ ኣብጸሐው። ግረ እንቡተት ማጃላን ላቱ ሰፈርያት በሐር እምበል ፈርሀት ኣተላለ። ወድ አዳም ናይ ምድር ሕልሙ ሐቆለ ኣከደ። ኣዜመ ናይ ዐስተር ሕልም ሰካብ ከልአዩ። እለ ክምሰል ርቅየት ግልብብትነ ለህሌት ሰመ /ዐስተር/ ሚ ክምሰል ትመሰል ወእብ ከአፎ እግል ትትበጸሕ ክምሰል ትቀድር ዲብ ሕልም ሓር አተ። ክምሰል ሰራይር ደነብር እግል ሊዴ ተምን። ሰበት እለ ዲብ ዐሰር ሳምናይ /18/ ዘመን። እብ ባሉናት ጀርቤታት ነፈር ዲብ ሰመ ጉብኤ። ዲብ ኣክር ህዩ ዲብ ሰነት 1903 ክልኦት ውላድ ራይት ለልትብህሎ ሐው ኣወላይት ጣኢረት መሀዘው። ክልኦት ደነብር ለበ glider ለሰመወ ኣወለይት ጥያረት ተ በህለት ቱ።

ሐቆ 50 ሰኖታት ጣኢራት ፍደእ መልከያሁ። እለ ናይ ጣኢራት ነፈር ዲብ ዐስተር ኣወላይ እንቡተት እግል ብዕድ ምሀዞታት ሕፍዝ ዐርሽ ጉብኤ። ሐቆ ሐድ ወቅት ምሀዞ ሮኬታት መጸ። ሮኬታት ምን ናይ ጣኢራት ወለዐል ዲብ ሰመ ሰበት ልትፊተተ እግል ዝያድ ሕፍዝ ሰደየ በህለት

ቱ። እትሓድ ሶሽዩት ኣወላይት ዐድ ዲብ ሕፍዝ ዐርሽ ጉብኦት። ሐቆሆም ኣምሪክዩን መ ኢሰክበው። ምናተ ዲብ ፍደእ እንዴ ነፍረ እንዴ በጽሐ እብ ሰላመቱ ለአቅበለ ወድ ሩሰዩ ዩሪ ጋጋሪን ቱ። ዩሪ ጋጋሪን ዲብ ዮም 12/04/1961 ቱ ዲብ ሮኬት እንዴ ትደብኦ ዲብ ፍደእ ለዐርገ።

ሩሰዩን ዑለማእ ሕፍዝ ዐርሽ እግለ ሐረዎም ኣንፋር ትሩድ ተዐለማት ለሀይዞ ዐለው። ዲብ ኣክር ላተ ዩሪ ጋጋሪን ሌጠ ተሐ’ረ ምኖም። ጋጋሪን ዲብ ሐያቱ ለትደቀበ ተድሪባት ወጀርቤታት ተሀየበ። ዲብ ሐያቱ ለኢልትረሰዑ አሰክ አፍ ሞት ለለአበጽሕ ለትሀየበዩ ጅንስ ተድሪባት ቱ። ህቱ እምበል መልህይ ዲብ ጽልሙት ሓጀት እግል ብዙሕ ሳዖታት ድቡእ ዲብ እንቱ እግል ልጽነሕ ልትቀሰብ ዐለ።

“ክርን አለቡ። ሐረከት አለቡ። ወለ ለሐምቀት ሐረከት ሀወእ ኢትርኤ። ንዩትክ ለትሓጭር በይን። ክሉ ረአሱ ለሓለት ለህ እግል እትዘከረ ከማን ክብድት ተ።

ዐቅል ተአጨብብ።” ዲብ ልብል ሸርሐ ጋጋሪን። እለመ ዲብ ዐስተር ነፈር ተድሪባት ነሰኤ።

ሐቆ እለ፡ ዲብ ዮም 12/04/1961 ዲብ ፍደእ ለልትሐረክ ወነብር ዲቡ ልባሰ ለመሰል መሻቀዩ እንዴ ለብሰ ዲብ ናይ ዐርሽ ሮኬቱ አተ። እዴሁ ድማን ወድገለብ እንዴ ወርውር እግለ ዲብ ምድር እንዴ ጉብኦው እግል ሰርሓሁ ጅምዳም ለዐለው አዳም ‘መዐ ሰላመ። ዩለ እነ ንትፊተት! ለዐል ንትወቀል!’ ዲብ ልብል ኣትሳቀረ እግሎም። ለሮኬት ናይ ሐረከት ክርን እንዴ ኣሰመዐት እብ ቅሩተ ትበገስት። ሐቆ ሐድ ካልኢታት ሸፋገተ እንዴ ወሰከት ቅያሰ ኢትትፈረግ 28,000 ኪሎ ምትር ዲብ ሳዐት እንዴ ትትፊተት ዲብ ዐስተር ትወርወረት። ዲብ ዐስተር እንዴ ትፊተተት ዲብ ሐንቴህ ለዐለት ዐለም እንዴ ከለት ዲብ ምድር ኣቅበለት። ጋጋሪን ዲብ ዐስተር ለጸንሐዩ ወቅት ዲብ ቀሪእ ወለሀሌ ክምሰል ሓለፈዩ ለሓኬ።

እግል ሰልፍ ዶል ዐርሽ እንዴ ፈግረ ለአቅበለ ጋጋሪን ናይ ኣሰናይ ደሐን ኣቅበልከ ዐባይ ኩቡቱ ዲብ

## ኢመትሐላል

- ዲብ ዐለም ምን ኢመትሐላል ለለሐይሰ ደሚር ወቀይ አለቡ። (ካልሺን ኩልድጅ)
- ዲብ ቀዳም ወቀይክ ሐቆ ፈሸልኩ። ለወቀይክ እብ ዕጹፍ ዓብዩ። ለዶል ለህ ዐውቴ ለዘተ እግል ተኣምር ቱ። (ቶማስ ዋትሰን)
- ምነ ፋሽላም ኣንፋር ዝያደት ምሸዊት ፈሸል ለትጉብኦ እቶም ለዕዉታም ኣንፋር ቶም። ምናተ እንዴ ኢልትሐለሎ ሄራሮም ሰበት ለኣተላሉ፡ እግል ፈሸል ክምሰል ኣላት ልትነፍዖ እቡ። (ሄርብ ትሩ)
- ድድነ ለሸቄ እግል ንፈድብ ሰበት ሰዴኑ። ክም ኣባይነ እንዴ ኢጉብእ ክም ፈታይነ እንርእዩ። ምናተ እንዴ ኢንትህመል መካይዱ እንደሌ (ኤድመንስ በርክ)